


爾雅正義

十之三

五



漢書門			
九	六	三	六
冊	函	號	類

內閣文庫		漢書
二七五	八六三六	
函	九	
四	冊	號
架	冊	類

內閣文庫		
番號	漢	8636
冊數	9	(5)
函號	275	212



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

爾雅正義卷第十


漢草文庫

文淵閣校理翰林院編修加三級教習庶吉士充國史館纂修管部晉瀛集

釋地第九

禮運云地秉陰竅於山川郊特牲

通義云地陰也實而能受故塞以成形兆也白虎
施也諸也庶施變化審諦不設敬始重終故謂
之地也說文云地元氣初分輕清陽為天重濁
陰為地萬物所陳列也釋名云地者底也其體
底下載萬物也亦言諦也五土所生莫不審諦
也此篇所釋自九州及於四極者周官大司徒
以天下土地之圖周知九州之地域廣輪之數
辨其山林川澤丘陵墳衍原隰之名物故爾雅
於田野之高下山澤所鍾聚分晰言之疆域之
界荒遠之服三代之制不同書闕有間可互證
也兼及於八陵者遂師掌四方之地名因十藪



九府而類叙之也兼及於五方之異氣者土訓
掌導地憲以辨地物而厚其生故釋五方物產
之稟於異氣者使民不疑於耳目也下篇遯及
於北與山川者大戴禮記易本命云凡地東西
為緯南北為經山為積德川為積刑高者為生
下者為死正陵為牡谿谷為牝是正與山川俱
統於地故釋正釋山
釋水以次分釋焉

兩河間曰冀州

自東河至西河

正義此以下釋殷九

冀州者尊帝都也殷邦畿在冀州域內故亦首冀
書疏引李巡云兩河間其氣清厥性相近故曰冀
近也釋名云冀州取地以為名也其地有險有易帝
王所都亂則冀治弱則冀疆荒則冀豐也禹貢云冀
州既載公羊疏引鄭註云兩河間曰冀州不書其界
者時帝都之使若廣大然以官職方云河內曰冀州
案舜肇十有二州鄭註謂舜於舊九州外分青州為
營州冀州為并州幽州至夏仍合為九州禹貢無幽并

河南曰豫州

自南河至漢

其氣著密厥性安舒故曰

二州則幽并之地併入於冀爾雅有幽州無并州
幽州兼有并州之地周分置幽并二州俱在禹貢冀
州域內是殷周冀州視夏制差小自東河至西河
柱孟津過洛汭為南河至大伾北流過洛水大陸又
北播為九河同為逆河入于海為東河釋文引馬融
云在東河之西西河之東南南河之北郭祇言東河西
河不及南河者以下文河南為豫州則冀州在南河
之北從可知也史記正義古帝王之都多
在河東河西故河北稱河內河南稱河外
豫豫舒也釋名云豫州地在九州之中京師東都所
在常安豫也釋文引春秋元命包云豫之言序也言
陽氣分布各得其處故其氣平靜多序也禹貢云荆
河惟豫州公羊疏引鄭註云豫州界自荆山而北至
于河禹貢豫州以荆山之北為界爾雅豫州以漢水
之北為界是夏毀之殊制也職方云河南曰豫州又

云正南曰荆州則周時荆州兼有漢北之地與殷制
異自南河至西河之南曰豫州今本郭註與孫炎異郭
自東河至西河之南曰豫州居冀荆之間其界為南河
知自南河至漢者以豫州居冀荆之間其界為南河
州之南漢水之北也局禮疏云周之雍豫兼梁
州之地爾雅無梁州則殷之豫州亦兼梁地

河西曰離州

自西河至黑水

西其氣蔽壅受性急凶

故云雍雍雍也釋名云雍州在四山之內雍翳也釋
文引太康地記云雍州兼得梁州之地西北之位陽
所不及陰氣壅閉故取名焉釋文又云雍者擁也東
嶺西漢南商於北居庸四山之內擁翳也禹貢云黑
水西河惟雍州公羊疏引鄭註云雍州界自黑水而
東至于西河也職方云正西曰雍州周雍州俱兼
祭州之地與禹貢異註自西河至黑水
禹貢為義書疏引水經云黑水出張掖雞山至敦煌
過三危山南流入於南海今水經註關此文山海經
云瀘湘之山又東五百里曰雞山黑水出焉而南流

注于海郭氏無註屈原天問云黑水元趾
三危安在是黑水在周末已不可考矣

漢南曰荆州

自漢南至衡山之陽

云荆州其氣燥烈

稟性疆梁故曰荆荆疆也釋名云荆州取名於荆山
也必取荆為名者荆警也南蠻數為寇逆其民有道
後服無道先疆常警備之也禹貢云荆及衡陽惟荆
州公羊疏引鄭註云荆州界自荆山南至衡山之南
職方云正南曰荆州案殷時荆州以漢水為界則自
大別以東江南之地屬於揚州大別以西漢東之地
屬於豫州視夏制差小自漢至之陽武都沮縣為漢
云漾水出隴西氏道縣嶓冢山東至武都沮縣為漢
水凡在漢水以南皆屬荆州
其南界則越過衡山之陽也

江南曰揚州

自江南至海

南其氣慘勁厥性輕揚故

曰揚州釋名云揚州州界多水水波揚也釋文引太
康地記云以揚州漸太陽位天氣奮揚履正含文明

故取名焉禹貢云淮海惟揚州公羊疏引鄭註云揚州界自淮而南至海以東也職方云東南曰揚州其藪澤川浸與禹貢同殷制割淮南江北之地以屬徐州故揚州以江為界兼有大別以東之地自江南至海。公羊疏引孫氏郭氏曰自江至南海也是郭註本孫炎今本作南至海而公羊疏引作至南海疑傳寫之誤然史記尉佗傳云秦以并天下畧定揚越張晏註揚州之南越也顏師古漢書註本揚州之分故曰揚粵置桂林南海象郡晉書地理志以交州廣州為禹貢揚州之域是五嶺以南至海本禹貢揚州之地殷制與禹貢同則公羊疏引註作南海不為無據

濟河間曰兗州 **自河東至濟** **濟當作洙** **兗當作** **河間其氣專質厥性信謹故曰兗** **兗信也釋名云兗州取兗水以為名也晉書地理志引春秋元命包云兗言兗州之界在此兩水之間殷制與夏同職方云河**

東曰兗州賈疏周之兗州於禹貢侵青徐之地自河至濟。沈州之域河東與冀分界洙自蒙至汶後東北行東與營分界說苑作濟南曰兗州

濟東曰徐州 **自濟東至海** **書疏引李巡云淮海** **曰徐徐舒也釋名云徐州徐舒也土氣舒緩也釋文** **引太康地記以為取徐正為名云周合其地於青州** **禹貢曰海岱及淮惟徐州公羊疏引鄭註徐州界又** **南至淮水股仍夏制職方云正東曰青州其山川皆** **禹貢徐州之域周無徐州蓋以徐為青也** **自濟東** **至海。徐與沈以洙為界自洙而東兼有淮南** **江北之地與揚州分界周之青州于禹貢侵豫州地** **故其澤藪曰望諸殷為徐州則望諸亦當在境內**

燕曰幽州 **自易水至北狄** **氣深要厥性剽疾故曰幽** **幽要也釋名云幽州在北幽昧之地也釋文又引太** **康地記以為因於幽都為名或云北方太陰故以幽**

幽要也釋名云幽州在北幽昧之地也釋文又引太康地記以為因於幽都為名或云北方太陰故以幽

冥為號二者相依也禹貢以幽州之地合於冀州職
 方云東北曰幽州正北曰并州爾雅無并州幽州兼
 有并州之地故下文云燕有昭余祁昭餘祁為周禮
 并州之澤藪也殷以昭余祁屬燕是為并合於幽之
 證陸氏釋文亦以并州合於幽州自易水至北狄
 在幽州境內水經云易水出涿郡故安縣閭鄉西山
 周府幽州偏於東北其正北則為并州殷以東北之
 地割屬營州則幽州之境縮於東北而贏於正北其
 疆域蓋自易水直北過雲中九原包漢太原郡地
 齊曰營州自岱東至海此蓋殷制也齊公羊疏引李
 受性平均故曰營營平也今為青州釋名云古有營
 州齊衛之地於天文屬營室取其名也禹貢云海岱
 惟青州公羊疏引鄭註云今青州界東自海西至岱
 東嶽曰岱山職方云正東曰青州夏周俱無營州釋
 文云爾雅營州為禹貢之青州矣營者蓋取營正以
 為號博物志云營與青同海東有青正齊有營正豈

是名乎說苑作齊曰青州是青即營也自岱東至
 海。公羊疏引孫氏云自岱東至海郭註本係
 炎書疏云青州之境非至海畔而已堯時青州當越
 海而有遼東也舜為十二州分青州為營州營州即
 遼東也爾雅營州之境與禹貢青州同。此蓋殷制
 殷制是郭註所本也詩疏云爾雅九州之名禹貢有
 梁青無幽營周禮有幽并無徐營孫炎以爾雅之文
 與禹貢不同於周禮又異故疑為殷制耳案以爾雅
 九州為殷制漢以後諸儒俱無異說惟賈公彥云禹
 貢所云堯舜法爾雅所云似夏法詩譜所云似殷法
 今知不然者鄭氏詩譜首言禹貢雍州故下文即以
 禹貢九州之名見天下三分之數耳賈氏不審發端
 禹貢二字遂疑為殷法雖述鄭譜實乖鄭義至以禹
 貢為唐虞法爾雅為夏法更無所依據矣此篇所
 釋十數四極之名多與周禮不同疑亦為殷制
 九州正義題上事也說文云州疇也各疇其土
 而生之水經註引春秋說題辭云州之言

殊也周公職錄云黃帝受命風后受圖割地
布九州通典云黃帝方制天下立為萬國顯
項之所建帝學所受創制九州是九州之設
由來舊矣文選註引韓詩商頌云方命厥后
奄有九域薛夫子章句九域九州也長發云
帝命式于九圍毛傳九圍九州也殷設九州
是其證呂氏春秋有始隨云河漢之間為豫
州周也兩河之間為冀州晉也河濟之間為
兗州衛也東方為青州齊也泗上為徐州魯
也東南為揚州越也南方為荊州楚也西方
為雍州秦也北方為幽州燕也
所說疆域大率據爾雅而言也

魯有大野

註

今高平鉅野縣東北澤是也

下釋藪澤

所在之地也大野為爾雅沈州之藪夏屬徐州故禹
貢徐州云大野既豬周屬沈州故職方兗川云其澤
數曰大野與爾雅同左氏哀十四年傳云西狩於大
野杜註在高平鉅野縣東北澤是也水經註引何

承天云鉅野湖澤廣大南通洙泗北連清濟舊縣故
城正在澤中元和郡縣志云大野澤在鉅野縣東五
里南北三百里東西百餘里鉅野縣自唐以後屢遭
河決川原易形藪澤畔岸今莫可考註今高至是也
州藪晉書地理志高平國鉅野縣魯獲麟所今為曹
州府鉅野縣縣城
西有鉅野故城

晉有大陸

註

今鉅鹿北廣河澤是也

正義此釋冀州之

既作詩疏引鄭註云大陸澤名在鉅鹿北爾雅釋地
十藪晉有大陸是鄭以禹貢之大陸即爾雅之大陸
矣元和郡縣志云大陸澤一名鉅鹿在鉅鹿西北五
里禹貢曰恒衛既從大陸既作澤東南二十里南北
二十里藪蘆葦蓮魚蟹之類充伋其中澤畔又有鹹
泉煮而成鹽百姓資之又云廣阿澤在昭慶縣東二
十五里爾雅曰晉有大陸李吉甫於鉅鹿昭慶二縣
分引禹貢爾雅似以大陸廣阿為二澤然唐之鉅鹿

昭慶縣壤地相接鉅鹿西北之大陸即昭慶東之廣阿不得分而為二故吉甫亦云廣阿即大陸淮南曰鉅鹿大陸廣阿咸一澤也志又載深州鹿城縣陸澤縣並有大陸澤則後世移置之名不可以釋經訓通典既載昭慶有大陸澤復以陸澤縣為禹貢大陸澤始考之不審也呂氏春秋有始覽淮南地形訓所述九藪以晉之大陸趙之鉅鹿分為二藪高誘註以大陸為魏獻子所游焚焉而死者鉅鹿為廣阿澤左氏定元年傳魏獻子田於大陸焚焉還卒於寧杜註疑此田在汲郡吳澤荒蕪之地甯今修武縣近吳澤即高註所引也高氏以呂覽淮南分列二藪故析言其地其實魏獻子所田之陸祇就荒蕪之地無當於九州之藪呂覽淮南多述周末漢初之制與爾雅乖異於禹貢尤為無涉孔穎達書疏既知大陸為廣阿又及左傳之大陸蔓引支詞轉生疑義註今鉅至是也

○ 正誤 書疏引孫炎等云今鉅鹿縣北廣河澤也是郭註所本疏又引郭云廣河猶大陸蓋引郭氏音義河當作阿大陸廣阿鉅鹿雖有三名音義實相通也

秦有楊陝

晉書地理志鉅鹿國鉅鹿縣即漢之鉅鹿縣也今為順德府鉅鹿縣

今在扶風汧縣西此釋雍川之藪也

楊紆鄭註所在未聞呂氏春秋云秦之陽華高誘註陽華在鳳翔或曰在華陰西淮南云秦之陽紆高誘註在馮翊池陽一名具圖又修務訓云禹之為水以身解於陽野之河高誘註陽野在秦也楊陝所在高氏亦無定說劉昭續漢志註於宏農郡華陰縣引呂氏春秋及高註於右扶風汧縣引爾雅及郭註以陽華楊紆分為二地然陽楊同音華陝古音之轉不當分為二地也周禮冀州之藪而爾雅屬於秦則楊陝當在冀雍之間作在華陰者為近之今在至縣西

○ 職方 雍州云其澤藪曰弦蒲鄭註弦蒲在汧

漢書地理志汧縣北有蒲谷鄉弦中谷雍州藪風俗通義弦蒲在汧縣北蒲谷亭水經註汧水出汧縣之蒲谷鄉決為弦蒲藪皆言職方之弦蒲也郭意以職方之弦蒲即爾雅之楊紆矣然雍冀二州同一澤藪

而與其名竊所未詳晉書地理志扶風郡汧縣今為隴州

宋有孟諸

今在梁國睢陽縣東北

此釋徐州之

周為青州故職方青州曰其澤藪曰望諸青州侵夏
豫州之地故禹貢豫州曰破孟豬史記夏本紀作明
都鄭註職方云望諸明都也詩譜作明豬左傳作孟
諸與爾雅同元和郡縣志孟諸澤在宋州虞城縣西
十里周回五十里俗號盟諸澤孟望明盟諸豬皆聲
之轉今在至東北國睢陽東北澤與郭註同曰氏春秋註作在梁國睢
陽之東南疑傳寫之訛晉書地理志梁國睢陽縣春
狄時宋都今為歸德府商邱縣自元以
後歸德屢被河決敷之涯涘不可復辨

楚有雲夢

今南郡華容縣東南巴丘湖是也

此

之藪也禹貢荊州云雲夢土作又職方荊州云其澤
數曰雲背雲夢本一藪也左氏昭三年傳王以田于

江南之夢定四年傳楚子涉睢濟江入於雲中雲夢
二字分舉後僑述謂夢在江南雲在江北唐人改禹
貢為雲土夢什又以為從古本尚書於是雲與夢分
為二地轉有致疑於職方爾雅者矣然史記夏本紀
述禹貢云雲夢土為治漢書地理志引禹貢云雲夢
土作又俱連舉雲夢則唐人所云尚書古本未足據
也左傳雲夢分舉不過偶從省文耳傳文謂之江南
之夢則江北有夢地可知故杜註云楚之雲夢跨江
南北後儒謂夢在江南者非也吳師五戰及郢昭王
目郢西走涉沮水渡江而南東行入雲中故杜註云
入雲夢澤中所謂江南之夢是雲中即江南之夢後
儒謂雲在江北者非也雲夢跨江南北統為一藪故
呂覽淮南並連稱雲夢與爾雅同今南至是也
鄭康成職方註庶劭風俗通義高誘呂覽淮南註韋
昭國語註俱本漢志之文晉書地理志南郡華容縣
因於漢制無所改革故郭註亦作在華容漢晉華容
縣今為荊州府監利石首二縣監利在江北石首在

江南郭又云在縣東南巴北湖者舉江南以該江北也或以漢志編縣有雲夢宮江夏郡西陵縣有雲夢宮疑郭註為疎漏案春秋以來楚地日闢益廣苑囿戰國策楚王游於雲夢結駟千乘宋玉高唐賦云襄王與宋玉遊於雲夢之臺是當日離宮別苑俱稱雲夢水經註引雲夢城則官園所在必增置城隍司馬相如子虛賦云雲夢者方九百里雖賦家夸大之辭亦可見後世遊觀之侈非復殷周藪澤之舊故班志於華容曰雲夢澤荆州藪謂之澤謂之藪者所以釋兩雅職方之藪澤也於編西陵俱曰雲夢宮謂之官者所以存楚宮之故蹟也先王辨九州之藪物土之宜使民貫利後世遊觀之蹟無當於經義故先儒釋經俱從班志作華容

吳越之間有具區
今吳縣南太湖即震澤是也

揚州之藪也禹貢揚州云震澤辰定職方揚州云其澤藪曰具區漢書地理志會稽郡吳縣具區澤在酉

揚州藪古文以為震澤呂氏春秋云吳之具區也今吳至云越之具區高註以為在吳越之間是也今吳至是也。晉書地理志吳郡吳縣具區在吳西者仍漢志之漢之會稽郡為吳郡以具區為在吳西者仍漢志之文鄭註職方云具區五湖在吳南郭從鄭註作南是也越絕書云太湖周三百六十頃太平寰宇記引虞翻川瀆記云太湖東通松江南通雲溪西通荆溪北通滬湖東連葦溪凡五道謂之五湖郭以震澤具區五湖太湖為一水也然職方揚州云其浸五湖與具區區並列不應一水而互見其名况藪與浸異不得混合為一後儒恒致疑焉吳越水鄉濤湖汎決觸地成川交渠故瀆難以取悉舍太湖而別求具區所在測望地形迄無實驗知舊說未可廢矣

齊有海隅
海濱廣斥

猶崖蓋海濱不言所在淮南又云申池在海隅高註云海隅藪史記集解引左思齊都賦註云申池海濱

齊藪也是以申池為海隅矣左氏文十八年傳齊懿公游于申池杜註齊南城西門名申門齊城無池雖此門左右有池疑此則是杜氏於申池所存亦無實證劉昭續漢志註於齊國臨菑下引爾雅齊有海隅祇舉齊地言之耳子虛賦云齊王田於海濱與楚之雲夢對舉是則海濱魚鹽之地有草木禽獸之藪不專屬一地而言海濱廣斥也

燕有昭余祁

今太原鄆陵縣北九澤是也

幽州之藪

也殷之幽州兼周之并州故職方并州云其澤藪曰昭餘祁呂氏春秋作燕之大昭淮西作燕之昭余漢書地理志太原郡鄆縣九澤在北是為昭餘祁并州藪鄭康成高誘應劭道元以及後來地理之書俱本漢志迄無異說近時始有疑太原不當為燕地因欲於戰國燕地所屬別求一澤以當昭余祁者殊不知殷周異制爾雅之幽州兼職方之并州則兼有并州之澤藪本無可疑如以為太原之地不當稱為燕

則請以汾水證之汾水之出太原古今無異說也淮南地形訓云汾出燕京高註燕京山在太原汾陽太平御覽引十三州記亦云汾水出武邑之燕京山唯太原嘗屬於燕故山有燕之名知太原汾水之出燕京則可知太原之屬於燕知燕之得有太原則無疑於燕之有昭餘祁矣今太至是也

鄭有圃田

今滎陽中牟縣西圃田澤是也

豫州之藪

也職方豫州云其澤藪曰圃田西周時圃田在東都畿內故小雅車攻云東有甫草鄭箋以為圃田之草也東遷後屬於鄭故左氏僖三十二年傳云鄭之有圃田杜註以為圃田澤是也當云周有圃田今云鄭

有圃田者爾雅不成於一人或七十子之徒據東周疆域改周作鄭與下文周有焦護又後來傳爾雅者增益其文廣九州之藪為十藪與古籍舛訛無它書可證當從闕疑元和郡縣志圃田一名原圃東西五十里南北二十六里西限長城東極官渡上承鄭州管城縣曹家陂又溢而北流為二十四陂今榮至是也。正漢書地理志河南郡中牟縣圃田澤在府中牟縣

周有焦獲

今扶風池陽縣瓠中是也

正漢書地理志中牟縣瓠中是也

藪也小雅六月云整居焦獲疏引孫炎云周岐周也水經註沮水東注鄭渠渠首上承涇水於中山西邸瓠口所謂瓠口也爾雅以為周焦獲矣元和郡縣志焦獲藪亦名瓠口即所謂鄭白二渠是也今扶至是也。正晉書地理志扶風郡池陽縣今為西安府三原縣焦獲澤在涇陽縣界

十藪

別名也說文云藪大澤也九州之藪揚州

具區荊州雲夢豫州圃田青州孟詵沈州大野雍州豳州幽州奚養冀州楊紆并州昭餘祁說文據職方而言也案藪與澤與周禮云藪以財得民左氏昭二十年傳云藪之薪蒸虞侯守之周語云藪物之歸也詩釋文引韓詩章句云禽獸居之曰藪鄭氏家宰註云澤無水曰藪澤虞註水鍾曰澤水希曰藪益澤為大壑眾流所歸藪則卑壑之地廣大之墟涼盡水涸草木禽獸叢集其間至於水潦降彌望皆成巨浸則藪與澤無別矣故風俗通義云藪者澤也藪之言厚也草木魚鼈所以厚養人君與百姓也呂覽淮南所載九藪無大野焦獲而以趙之鉅鹿晉之大陸分為二藪風俗通義所述十藪據爾雅為說鄭注澤虞又云爾雅有八藪賈疏以為周秦同在雍州除畿內一州而言也

東陵 夙南陵 息慎西陵 威夷中陵 朱滕北陵 西隃雁門

是也註 卽雁門山也正義 此釋五方之陵名也 威夷

顏師古註 韓詩作郁夷 言使臣乘馬行於此道 文選

註引薛夫子章句云 威夷險也 則韓詩本作威夷險阻

也 西隃者 穆天子傳云 乃絕隃之關 陸郭氏彼註以

爲卽北陵 西隃也 史記趙世家云 反至分先俞於趙

集解引徐廣云 爾雅曰 西隃雁門是也 正義云 西隃

聲相近 蓋隃山 西隃二山之地 並在代州雁門縣皆

趙地也 隃息慎 朱滕於經傳無考 禹貢云 至于東陵

水經以爲地在廬江金蘭縣西北 史記正義謂卽州

有巴陵 蓋是東陵 然以威夷西隃例之 則東陵不應

在南莊子釋文引司馬彪註云 東陵各今屬濟南

也 元和郡縣志云 東陵在章邱縣南二十八里 莊子

所云東陵 雖在東方 然不聞其名 隃猶之漢有南陵

縣 水經註有南陵 究俱不聞其名 息慎也 史記五帝

本紀云 北山戎發息慎 集解引鄭氏云 息慎或謂之

肅慎 此東北之國 不可以當南陵 先儒傳爾雅者 惟

以雁門釋西隃 是則隃息慎 朱滕久莫可考矣 卽

雁門山也 正義海內西經 雁門山 雁出其門 在高

柳北 郭氏彼註云 雁門山 卽北陵 雁之所

出 因以名云 山今在代州西北三十五里

陵莫大於加陵註 今所在未聞正義 風俗通義云 國語

陵爾雅曰 陵莫大於加陵 言其獨高厲也 陵有天性

自然者 案今國語無此文 淮南人間訓亦云 晉厲公

梁莫大於溟梁註 溟水名 梁隄也正義 水隄之高大者

大者言之 春秋襄十六年 會于溟梁 溟水之旁 有大

隄 梁故可爲諸侯盟會之所 公羊疏引孫炎云 梁小

爾雅正義

卷一

三

橋也梁雖訓橋然不可以釋八陵矣漢水至隄也
正義公羊疏引爾雅音義云漢水出河南軹縣東南
至温入河與左傳杜註同郭訓梁為隄者以釋宮云
隄謂之梁也水經註云漢水出原城西北原山勳掌
谷南逕原城西春秋會于漢梁
謂是水之墳梁也梁水隄也

墳莫大於河墳墳大防

正義河隄謂之陵猶漢梁也
禹貢錐指云漢河隄謂之金

隄賈讓所云東薄金隄者在今濬縣界李垂導河書
言曹公所開運渠東北有伯禹古隄蓋鯨所作也而
禹修之世遂目之曰禹隄讓所謂東薄金隄即此也
案祭法云鯨障鴻水是河有隄防其來蓄矣註墳大
防正義釋此文方言云青幽之間凡土而
高且大者謂之墳郭氏彼註云卽大陵也

八陵

正義題上事也下文
云大阜曰陵詳見下

東方之美者有醫無閭之珣玕琪焉醫無閭山名今

在遼東珣玕琪玉屬

此釋八方中土之利也職

遠遊云夕始臨乎於微閭漢書地理志作無慮皆聲
之轉也說文云醫無閭之珣玕琪周書所謂夷玉也
案顧命云夷玉在東序疏引鄭註云夷玉東方之珣
玕琪也珣玕琪三字連文淮南地形訓無作母醫
無至玉屬。漢遼東郡晉為遼東國醫無閭山
在今錦州府廣寧縣西千里高誘淮南註珣玕琪玉
名郭以為玉屬今大凌河有錦川石美
者瑩潤如玉大者可作几是玉之屬也

東南之美者有會稽之竹箭焉會稽山名今在山陰

縣南竹箭篠也

職方揚州其山鎮曰會稽其利

江南計功而崩因葬焉名曰會稽會稽者會計也吳
越春秋云禹巡行天下會計修國之道因以會稽名
山仍為地號禹貢揚州云篠簜既敷無極山碑云揚
粵之篠簜財用於是乎出案東南多竹箭至今猶然

會稽至篠也。晉書地理志會稽郡山陰縣。會稽山在南上有禹冢。會稽山今在紹興府會稽縣南二十里。郭以竹箭為篠者。下文釋草云。篠竹又云篠箭。據此為說也。詳見下文。

南方之美者有梁山之犀象焉。犀牛皮角象牙骨。

職方荊州其山鎮曰衡山。其利丹銀齒革爾雅作梁山者。淮南王術訓橋直植立而不動。高誘注橋桔槔。上衡也。太平御覽引符子云。令衡官橋而臺之。折十橋。衡謂之橋。橋亦謂之梁。是衡與梁聲相近也。鄭康成橫通強梁語。轉作強橫。是衡與梁聲相近也。鄭康成周禮注云。衡山在湘南。高誘淮南注云。梁山在會稽長沙。湘南會稽二字承上文而行。云在長沙。湘南是梁山。即衡山之明證矣。衡山所在詳見下文。釋山犀牛皮可為甲。詳見下文。釋獸象者。說文云。象長鼻牙。南越大獸。三年一乳。左傳疏引異物志云。象身倍數。牛而目則如豕。其鼻長七八尺。其所食物皆鼻取之。郭氏山海經計云。象獸之最。大者長鼻大者牙長一。

女性如不畜。注子象牙骨可為器用。故左氏襄三十四年傳。象有齒以焚其身。鹽鐵論云。荆揚之皮革骨。象言其利於用也。又左傳。守四年。楚人執燧象。以奔吳師。是楚地固有象矣。今象在南徼外。

西南之美者有華山之金石焉。黃金硨磲石之屬。

豫州其山鎮曰華山。高誘淮南注。金美金石。含玉之石也。華山今在嶺南。陰山是也。高誘以石為含玉之石者。漢書地理志。京兆藍田縣山出美玉。西都賦云。陸海珍藏。藍田美玉。註引范子計然曰。玉出藍田。水經註云。麗戎之山一名蓋田。其陰多金。其陽多玉。是古者以金玉為西南之美也。華山所在詳見釋山。黃金硨磲石之屬。正說文。硨磲石次王者。玉藻云。士佩璫。玨而縕組。璫瑞常作硨磲。子虛賦云。硨磲珠。硨磲不可枚舉。故言黃金之屬。以該三品。言硨磲石之屬。亦在其中。

西方之美者有霍山之多珠玉焉霍山今在平陽永

安縣東北珠如今雜珠而精好陽又云至于太

方冀州其山鎮曰霍山言語云景霍以為城即霍太

山也高誘淮南出夜光之珠五色之玉也太史公

云山西饒材竹穀纒旄玉石應劭註子虛賦云礪石

出雁門是玉之屬也今山西有玉色黑美者可以鑑

里人謂之玟玉註霍山至精好漢書地理志

河東郡彘縣霍太山在東後漢陽嘉三年改彘縣為

永安劉昭註續漢志引兩雅云西南之美者有霍山

之多珠玉焉西方作西南傳寫之訛也晉書地理志

平陽府永安縣縣名仍後漢之舊霍山今在平陽府

霍州東三十里說文云珠蚌之陰精郭云如雜珠而

精好據時驗云然也今未聞

西北之美者有崑崙虛之璆琳琅玕焉註璆琳美玉名

琅玕狀如珠也山海經曰崑崙山有琅玕樹崑崙

厥貢惟珠琳琅玕方雍州其利玉石管子輕重甲

篇崑崙之虛不朝請以璆琳琅玕為幣乎崑崙虛之

球琳即後世子問之玉也註璆琳至珠也鄭康成書註

器云璆琳玉也郭註同詳見上詩疏引鄭康成書註

云琅玕珠也高誘淮南註云璆琳琅玕皆美玉也郭

氏以為琅玕色如珠者琅玕為石之精液凝結而成

其色似珠不得與璆琳同註璆琳為玉亦不得遂以為珠

也說文云璆琅玕似珠者與郭註同山海至玕樹

南地地形訓增城九重琅玕在其東倣真訓云鍾山之

玉高誘註鍾山崑崙也

北方之美者有幽都之筋角焉註幽都山名謂多野牛

筋骨註考工記云燕之角史記貨殖傳云龍門碣

石北多馬牛羊旃裘筋角高誘淮南註云古之

幽都狂雁門以北其畜宜牛羊馬出好筋角可以為
弓考魏都賦云燕弧盈庫而委勁是北方筋角之利
也幽都至筋骨。正壽海內經云北海之內有山
名曰幽都之山通典云幽州因幽都山以為名也山
海經有幽都山今列北荒矣筋角不盡出
於野牛郭云多野牛筋角舉類以曉人也

東北之美者有斥山之文皮焉虎豹之屬皮有縹綠

者此釋營州之利也隋書地理志東萊郡文登
縣有斥山太平寰宇記以為即爾雅之斥山矣斥
山在今登州府榮成縣南一百二十里管子揆度篇
發朝鮮之文皮又輕重甲篇發朝鮮不朝請文皮絺
服而以為幣乎斥山在營州城內營州越海有遼東
地故能聚東北之美虎豹至綵者。淮南道
應訓散宜生得元豹黃羆青豹白虎文皮千合以獻
于紂是文皮為虎豹之屬也鹽鐵論云燕齊之魚鹽
旃裘高誘淮南註云文皮虎豹之皮也傳云無終
子使孟樂因魏莊子納虎豹之皮以請和諸戎也

中有岱岳與其五穀魚鹽生焉言泰山有魚鹽之饒

集解引鄭註云海岱惟青州厥貢鹽絺海物惟錯史記
其山鎮曰岱山其利蒲魚其穀宜四種鄭註四種黍
稷稻麥職方又云豫州其穀宜五種鄭註云五種黍
稷菽麥稻岱岳以南為中土故五穀並殖焉岱岳所
在詳見釋山言泰至之饒。左氏昭二十
年傳云海之鹽蜃祈望守之管子地員篇齊有渠展
之鹽又云煮泔水為鹽史記貨殖傳太公望封於營
丘地瀉鹵通魚鹽則人物歸之
是海岱之間有魚鹽之饒也

九府公彥題上事也高誘戰國策註府聚也賈

府在人身飲食所聚皆曰府官人所聚曰官
之月命工師令百工審五庫之量金鐵皮革
筋角齒羽箭幹脂膠丹漆毋或不良是九府
之美大率利用所資也禮運云聖王所以順

赤色一目一翼相得乃飛

正書 逸周書王會篇巴人

者韓詩外傳云南方有鳥名曰鵠比翼而飛不相得

不能舉封禪書云西海致比翼之鳥韋昭云各有一

翼不比不飛其名曰鵠鵠似鳧至乃飛

山經云崇吾之山有鳥焉其狀如鳧而一翼一目相

得乃飛名曰蠻蠻郭氏彼註云比翼鳥也色青赤不

比不能飛兩雅作鵠鵠是也鵠鵠當作蠻蠻海外南

經云比翼鳥在其東其為鳥青赤兩鳥比翼博物志

云比翼鳥一青一赤郭氏比翼鳥贊云鳥有鵠鵠似

鳧青赤雖云一質氣同體

隔延頸離鳴翻能合翮

西方有比肩獸焉與叩叩距虛比為叩叩距虛齧甘草

即有難叩叩距虛贊而走其名謂之歷

呂氏春秋

曰北方有獸其名為歷鼠前而兔後趨則頓走則顛

然則叩叩距虛亦宜鼠後而兔前前高不得取甘草

故須歷食之今雁門廣武縣夏屋山中有獸形如兔

而大相負共行土俗名之為歷鼠

文引李巡

歷知美草即若驚難者叩叩距虛便負歷而走故曰

比肩獸孫炎云叩叩距虛狀如馬前足鹿後足兔前

與郭註所引字句微異淮南道應訓用呂覽之文
作與郭則踏作趨則頓與郭註同。然則至食之。
比則宜為鼠後而免前也與孫炎異高誘淮南註云
鼠前足短兔後足長故謂之歷蚤蚤驅驢前足長後
足短故能乘虛而走不能上也高誘所釋與郭氏意
同說苑云蚤蚤距虛見人將來必負歷以走二獸者
非心性愛歷也為得甘草而貴之故也漢書註引張
揖云蚤蚤青獸狀如馬距虛似羸而小案蚤蚤巨虛
本一獸而劉向張揖以為二獸者因子虛賦有楚蚤
蚤麟距虛之文而誤解也郭氏彼註云距虛即蚤蚤
賦家變文互言耳顏師古從之是則蚤蚤巨虛實為
一獸。今雁至歷鼠。
武縣即漢之太原郡廣武縣也夏屋山在北今為代
州夏屋山在東羅願云遼北
境慶州之地大漠中有歷鼠

北方有比肩民焉迭食而迭望
此即半體之人各有

一目一鼻一孔一臂一脚亦猶魚鳥之相合更望備

警急韓詩外傳云北方有獸名曰莫更食而更

僅得半體故亦謂之獸

中有枳首蛇焉岐頭蛇也或曰今江東呼兩頭蛇為

越王約髮亦名弩弦釋文引孫炎云蛇有枝首

中央之士有歧首之蛇爭共食牧草之實白相啄

楚相孫叔敖碑少見技首蛇洪适云蛇有兩首謂之

枳首謂蛇有兩頭監本枳作軹今從陸本改正

江至弩弦此為兩頭蛇廣異名也郭氏枳首

蛇贊云夔稱一足蛇則二首少不知無多不覺有雖

資天然無異駢拇

此四方中國之異氣也

正義陰陽舒慘風土燠寒精氣

而得怪魚入深山而得怪獸是知山海之與異氣所
鍾神奇殊彙爾雅所釋昭示典常不矜儼耳目所
及時或遇之故為著其形生別其性類庶
拘墟者不至見布而疑廣見闕而駭焉爾

五方

言異氣者省文

邑外謂之郊郊外謂之牧牧外謂之野野外謂之林林

外謂之垆邑國都也假令百里之國五十里之界

界各十里也魯頌毛傳云邑外曰郊郊外曰野

郊外謂之野野外謂之林林外謂之垆垆外謂之
俱據爾雅為說無郊外為牧之文然詩疏及爾雅釋
文引李巡孫炎舊註俱有此文毛許所引蓋異本也
詩孔疏云郊牧野林垆自邑而出遠近之異名。邑

外謂之郊。說文云距國百里為郊。據天子邦畿千
里而言設百里之國則十里為郊矣。畿內千里以百
里為遠郊以五十里為近郊。聘禮云及郊又云賓至
于近郊是也。小雅云我出我車于彼郊矣。郊謂遠郊
也。郊外至之野。小雅出車云于彼牧矣。毛傳出
車就馬於牧地。邶風靜女云自牧歸荑。鄭箋自牧曰
歸荑。鄭註天官云牧風牧田在遠郊。皆畜牧之地。是鄭
以遠郊即牧田也。鄭風叔于田云叔適野。鄭箋郊外
曰野。鄭註遂人亦云郊外曰野。說文云野郊外也。與
鄭註同。皆以郊外即為野也。據郭言百里之制則郊
外十里為牧。牧外十里為野。釋文引李巡本牧作田。
釋云田。敞也。謂敞列種穀之處。田陳以聲近為義也。
野又為邑外之總名。詳見下。野外謂之林。說文
云平地有叢木曰林。逸周書大聚解陂溝道路藜苴
邱墟不可以樹穀者樹以材木。左氏宣十二年傳云
趙旃弃車而走林。謂野外之林也。林外謂之垆。○
魯頌云駟駒牧馬在垆之野。毛傳垆遠野也。說文云
垆象遠界也。邑死之地以垆為最遠也。邑國至里

也。○**正義**詩疏引孫炎云邑國都也設百里之國五
者之界界各十里是郭註所本也鄭註聘禮云周制
天子畿內千里遠郊百里以此差之遠郊上公五十
里侯伯三十里子男十里也近郊各半之案鄭據千
里之畿以百里為郊孫郭據百里之國以十里為郊
皆以都邑居中五之一為郊其義同也詩疏云孫炎
言百里之國十里為郊則郊之遠近計境之廣狹以
為差也司馬法云王國百里為遠郊王畿千里其都
去境五百里爾雅從邑之外止有五明當每皆百里
故知遠郊百里也知近郊半之者書序云周公既沒
命君陳分正東郊成周於時周都王城而謂成周為
東郊則成周在其郊也於漢王城為河南成周為洛
陽相去不容百里則所言郊者謂近郊故鄭註云天
子近郊五十里今河南洛陽相去則然鄭以河南
洛陽約近郊之里數也周禮杜子春註云五十里為
近郊白虎通云近郊五十里遠郊百里是儒者相傳
以為然昭二年叔弓如晉左傳曰晉侯使郊勞服虔
云近郊三十里或當別有依終與鄭異也書傳云百

里之國二十里之郊七十里之國九里之郊三十里
之國三里之郊言其百里七十里是夏殷諸侯之國
其郊與周異也按孔疏以書傳所述為夏殷之制然
爾雅多言殷制據郭註則與周制同象經音義引爾
雅舊註云邑外謂之郊郊外謂之野野外謂之牧牧
外謂之林皆各七里林外謂之坳無里數設百里之
國邑王者之都也所引經文及里數俱與郭異說文
繫傳引爾雅註百里之國十里為郊王畿千里郊當
百里本郭義也

下溼曰隰大野曰平廣平曰原高平曰陸大陸曰阜大

阜曰陵大陵曰阿正義夏官遼師辨其正陵墳衍遼

野曰平。詩疏引李巡云下溼謂土地窳下常沮洳
名為隰也說文云隰阪下溼也溼幽溼也从水一所
以覆也覆而有土故溼也釋名云下濕曰隰隰也
蓋溼意也平說文作坪云地平也後世謂之平野。

爾雅正義 卷十 三

廣平曰原高平曰陸。左傳疏引李巡云謂土地寬博而平正名之曰原。詩疏引李巡云高平謂土地豐正名為陸。說文云遼廣平之野人所登陸高平地釋名云廣平曰原。原元也。如元氣廣大也。高平曰陸。陸也。水流漉而去也。大司徒鄭註作高平曰原。左氏定四年傳杜註引爾雅作廣平曰陸。水經註引齊秋說題辭云高平曰太原。原端也。平而有度。又引尚書大傳云大而高平者謂之太原。是則原陸皆高而廣。平者故諸家引述互見其文。大陸至曰阿。小雅天保云如山如阜如岡如陵。大雅皇矣云我陵我阿。疏引李巡云土地獨高大名阜。阜最大為陵。說文云阜者茂也。言平地隆踊不屬於山陵也。今曲阜在魯城中委曲長七八里。維北芒坂即為阜也。釋名云土阜曰阜。阜厚也。言高厚也。大阜曰陵。陵隆也。體高隆也。詩釋文引薛君韓詩章句云四平曰陵。

可食者曰原 **詁** 可種穀給食。陂者曰陂。 **詁** 陂陀不平下。

者曰涇。 **詁** 公羊傳曰下平曰隰。 **詁** 此別種穀之野。大司徒以土會之。廣辨五地之物生。其五曰原隰。小雅信南山云昫昫原隰曾孫田之。月令孟春之月善相正。陵阪險原隰土地所宜。周語云原隰沃衍。衣食於是乎生。地形有高下。三者之殊。西北地多廣平。東南地多下。涇故經傳每連舉原隰。則高阪之田在其中。左傳疏引孫炎云可食謂有井田也。陸阿山田可種穀者亦曰原。孫意以井田正界。必當在廣平之原。而後世於山田種穀者亦稱爲原。故通言之。然覈諸雅訓。廣平之野可種穀者。謂之原。山田則謂之阪。不得相溷。大雅公劉云于胥斯原。左氏信二十八年傳云原田每每。皆謂廣平之原。可種穀者也。阪者詩疏引李巡云。阪者謂高峯山。說文云阪。阪也。小雅襄二十五年傳云。町原防杜。註隄防之間。不得方正。如井田別爲小頃町。是阪阪之田不盡爲井田也。隰者詩疏引李巡云。下者謂下涇之地。隰溼也。禹貢所

謂厥土惟塗泥也古者中原平土分井授田盡力溝洫俾民足食荆州田多頃町揚州田多塗泥任土物地田不盡井而地無棄利自溝洫湮廢平原膏土寢成焦壤鹵不生穀情農自安粒食所須取之阪隰於是禹貢所謂厥田中下厥田下下者華實之毛轉為九州之土腴矣太宰九職一曰三農生九穀先鄭云三農平地山澤也平地之農耕可食之原山農耕於阪澤農耕於隰三農各修其職斯九穀之利溥故爾雅分晰其地形焉註公羊至曰隰。正義昭元年傳云上平曰原下平曰隰何休註分別之者地勢各有所生原宜粟隰宜麥當教民所宜因以制貢賦

田一歲曰菑 註今江東呼初耕地反草為菑二歲曰新

田 註詩曰于彼新田三歲曰畬 註易曰不菑畬 禮記

疏引蔡邕月令章句云穀田曰田此釋其耕田年歲遠近之異名也詩疏引孫炎云菑始災殺其草木也

新田新成柔田也畬和也田舒緩也禮記註引孫炎註作畬舒緩大司徒云不易之地家百畝一易之地種之美故家百畝一易之地休一歲之田復種故家百畝文云百畝再易之地休二歲之田復種故家百畝說塞必以利耜熾菑發所耕之地也詩云倣載南畝鄭箋讀倣載為熾菑是也耕二歲則土之疆藥者漸成柔田耕三歲則地肥土緩說文云畬三歲治田也所謂不易之田也註今江至為菑。正義易釋文引董遇云菑反草也註今氏春秋辨土篇凡耕之道必始於墟謂疆墟剛土也今農家首春墾草謂之翻田。詩曰至新田。正義小雅采芑云于彼新田于此菑畝毛傳用爾雅曰畬馬鄭註俱本爾雅鄭註董遇云悉耨曰畬三歲曰新田。正義野遂人掌邦之野鄭註此野為甸稍縣鄙是國

門之外通謂之野大司徒頒職事十有二于
邦國都鄙使以登萬民一曰稼穡鄭司農云
稼穡謂三農生九穀也遂師經牧其田野辨
其可食者周知其數而任之是治野莫重於
稼穡故於原隰畝田菑
畝新田悉為別其形體

東至於泰遠西至於邠國南至於濮鈇北至於祝栗謂

之四極

註

皆四方極遠之國

正義

釋詁云極至也四

戴禮記千乘篇東辟之民至于大遠有不火食者矣
是泰遠者因其為遠國而名之也又云南辟之民至
于大遠西辟之民至于大遠北辟之民至于大遠以
其同為遠國故沿東方之稱也西至於邠國說文引
爾雅作西至汎國釋云汎西極之水也南至於濮鈇
者逸周書王會篇伊尹為四方令曰正南百濮左氏
文十六年傳云百濮離居劉伯莊史記地名云濮在
楚西南是也北至於祝栗者祝栗即涿鹿之轉聲太

史公黃帝本紀所謂
邑於涿鹿之阿也

觚竹北戶西王母日下謂之四荒觚竹在北北戶在

南西王母在西日下在東皆四方昏荒之國次四極

者

正義荒者書疏引馬融禹貢註云荒政教荒忽因

其故俗而治之觚竹者齊語云北伐山戎剗令支
斬孤竹韋昭註二國山戎之與也漢書地理志遼西
郡令支縣有孤竹城是觚竹在北也北戶者史記虞
舜紀云南撫交趾北發索隱云北發當云北戶南方
有地名北戶高誘淮南註云日在其北故北戶吳都
賦云開北戶以向日顏師古漢書註曰南郡在日之
南所謂開北戶以向日者西王母者大戴禮記少間
篇西王母獻其玉瑄盧辨註漢明帝時於舜廟下得
玉瑄一枝是西王母之國舜時嘗通中國矣淮南地
形訓云西王母在流沙之瀕漢地理志金城縣臨羌
縣西北至塞外有西王母石室故註云西王母在西

山海經穆天子傳所載西王母事郭註所不取也曰下者堯典云宅嵎夷曰暘谷史記正義云青州嵎夷之地日所出處名曰暘明之谷故云日下在東

九夷八狄七戎六蠻謂之四海

九夷在東八狄在北

七戎在西六蠻在南次四荒者

正義禮記疏引李巡

稷云外薄四海禹貢云東漸于海西被于流沙朔南暨聲教訖于四海孔疏云聞天子威聲文教時來朝見此言唐虞夏后氏所服四海也商頌元鳥云肇域彼四海四海來假鄭箋假至也天下既蒙王之政令皆得其所而來朝觀貢獻此言商所服四海也詩序云澤及四海也孔疏謂時王者恩澤被及四海之國使四海無侵伐之憂得風雨之節立政云至于海表罔有不服孔疏云四海之表無有不服王之化者此言周所服四海也夏官職方及明堂位所言國數與爾雅互有不同鄭註明堂位以為周之所服國

數也案爾雅釋地多述殷制首言九州以釋商之奄有九有此言四海亦當指殷之擊域而言固不並同於周制矣盧辨大戴禮註以職方為周所服四海之數明堂位為朝明堂時來者之國數爾雅所言為夏之所服殷之服國東方十南方六西方九北方十有三自來註爾雅者俱不言釋地兼述夏制惟賈公彥周禮疏及盧辨註疑為夏制此以意度非有確證也盧辨所述殷所服之國數亦未知本於何書今考逸周書王會篇未載伊尹朝獻商書商周朝貢之國差為可據然亦未能悉合於爾雅也李巡本該郭本增益字句分註國名多係漢時屬國以漢制釋雅訓易涉傳會之詞以單于為單于復因傳寫而誤事無實證當從闕疑故郭氏不取李巡及孫炎註俱見王制疏

距齊州以南戴日為丹穴

距去也齊中也北戴斗極

為空桐 戴值東至日所出為太平西至日所入為

大蒙 卽蒙汜也

正義上文由四極之國外薄四海此又由中國以推言四方所至也

太平御覽引舍人云自中州以南日光所照故曰丹穴莊子讓王篇逃乎丹穴高誘淮南註云丹穴南方當日下之地空桐戴斗極下之地大蒙西方日所入處也韓非子十過篇堯有天下南至交趾北至幽都東西至日月之所出入者莫不賓服太平大蒙日月所出入之地也卽蒙汜也。正義屈原天問云出自湯谷次于蒙汜淮南覽冥訓云遠回蒙汜之渚高誘註蒙汜日所入之地淮南又云入于蒙汜

太平之人仁丹穴之人智大蒙之人信空桐之人武

地氣使之然也。高誘淮南地形訓東方有君子之國所謂太平之人仁也仁智信武言其稟氣也大司徒云山林其民毛而方川澤其民黑而津正陵其民專而長墳衍其民哲而瘠原隰其民豐肉而瘠大戴禮記易本命云堅土之人肥虛土之人人大沙土之人網

而各有仁智信武之德淮南汜論訓謂丹穴大蒙反雖空同大夏北戶奇肱修股之民是非各異習俗相反者非也

四極

于四海題上事也逸周書王子晉解云善至問篇以是知四海四荒四極之不一異是也呂

氏春秋有始覽言四極四海之里數淮南地形訓山海經詩含神霧俱言因極相去之里經緯贏縮彼此互異覈諸雅訓語或構虛今不備述

[Faint bleed-through text from the reverse side of the page]

爾雅正義卷第十一
釋止第十
禹決江疏河民乃下止營度爽塏之場而邑落
之故正之字二人立一上一者地也四方高中
央下象形也說文云北土之高也非人所為也
从北从一也地也人居在北南故从北中邦之
居在崑崙東南一曰四方高中央下為北象形
案北字从北應劭以為二入立一上非也鄭註
周禮王逸楚詞章句俱云土高曰止故說文又
云塏古文从土今隸變作止下篇釋水云從釋
地已下至九河皆禹所名也是則應劭所云禹
決江疏河民乃下止者是也山雅云小陵曰北
是止小於陵也虞翻易註云半山稱北也下稱
陵則陵又下於止矣經典多連言止陵散文言
止陵

爾雅正義卷第十一

文淵閣校理翰林院編修加級教習庶吉士充國史館纂修官邵晉涵撰集

釋止第十

禹決江疏河民乃下止營度爽塏之場而邑落
之故正之字二人立一上一者地也四方高中
央下象形也說文云北土之高也非人所為也
从北从一也地也人居在北南故从北中邦之
居在崑崙東南一曰四方高中央下為北象形
案北字从北應劭以為二入立一上非也鄭註
周禮王逸楚詞章句俱云土高曰止故說文又
云塏古文从土今隸變作止下篇釋水云從釋
地已下至九河皆禹所名也是則應劭所云禹
決江疏河民乃下止者是也山雅云小陵曰北
是止小於陵也虞翻易註云半山稱北也下稱
陵則陵又下於止矣經典多連言止陵散文言
止陵

爾雅正義

卷第十一

之凡土高者總稱為正亦不計其大小高下也
正有自然而高者亦有人力所為者古者盡溝
洫之利浚深疏滯積土成正後遂以為設險之
用易坎卦云地險山川正陵也春秋左氏傳所
載正名甚夥朽壤墮落周道陵遲積漸使然非
一朝一夕故古之名正後世多湮此篇所釋俱因
正之形狀以定其名不專繫一地陳有宛
正以下始據地望言之而厓岸從附見焉

正一成爲敦正註成猶重也周禮曰爲壇三成今江東

呼地高堆者爲敦再成爲陶正註今濟陰定陶城中

有陶正再成銳上爲融正註織頂者三成爲崑崙正

註崑崙山三重故以名云也正義鄭註觀禮云成猶重

山海經云成山四方而三壇郭氏彼註云形如人築
壇相累也成亦重耳爾雅因正有層累之殊各命以

名凡一重者俱謂之敦正再重者俱謂之陶正再重
而銳上者俱謂之融正三重者俱謂之崑崙正釋名
云正一成曰頓正一頓而成正無高下大小之殺也
再成曰陶正於高山一重作之如陶甃然也銳上曰
融正融明也也陽也凡上銳皆高而近陽者也三
曰崑崙正如崑崙之高而積重也詩疏引爾雅云正
一成爲敦正孫炎云形如覆敦敦器似孟又引此篇
下文云如覆敦者敦正孫炎云正一成之形象也孫
炎以此篇兩見敦正主於重言以曉人故互見其訓
明其爲一正也郭氏於一成一之敦正音頓於如覆敦
之敦正音丁也後漢書注引孫炎也書疏引李巡云再成
其形再重也後漢書注引孫炎也書疏引李巡云再成
周禮至爲鄭司農云秋官司儀云將合諸侯則令爲
壇三成鄭司農云三三成也郭氏引之以證成爲
重也衛風張云送子涉淇至於頓正縣顏師古云舜
販于頓正漢書地理志東郡頓正縣顏師古云舜
名縣也正一成爲頓正謂一頓而成也或曰成重也
一重之正也水經注引鬪駟十三州記云頓正在淇

釋名云水潦所止曰泥其土留不去成泥也
 泥當作泥說文云反頂謂凡地及頂當高今反下故曰反頂
 聲繫傳云反頂謂凡地及頂當高今反下故曰反頂
 史記世家謂之圩頂索隱云圩頂言頂上窟也正義
 引括地志云尼止山在兖州鄒城關里蓋依爾雅為
 名凡止頂之停止水潦者俱名泥止矣淮南又謂之
 寅止說林訓云寅止無壑高誘註汗小潦水名寅寅
 之止無大壑泥寅聲相近
 監本作汗今從宋本改
 正釋文云本或作誇
方正胡正 形四方 正形自然方者名胡正釋名
 器云為高必因正陵然則古之方正圖正亦因乎高
 土也淮南地形訓有和正高誘註四方而高者曰正
 胡和聲
絕高為之京註 人力所作非人為之正註地自然生

此釋京與正之異也說文云京人人力所為絕高者也
 大雅皇矣云依其在京毛傳京大阜也疏引李巡云
 正之高者曰京公劉云乃觀于京鄭箋用爾雅左
 氏宣十二年傳云以爲京觀襄二十五年傳云辨京
 陵呂氏春秋禁塞篇為京北若山陵高誘註台土築
 之以為京觀故謂之京正淮南覽冥訓云築重京皆
 人力所為者也正為地性自然而高所與京異也
 風俗通義云爾雅正之絕高者為京謂非人力所
 能成乃天地性自然者也春秋左氏傳莫與之京國
 語趙文子與叔向游于九京今京兆京師其義取於
 此案應劭所釋乖於雅訓古者京與正各有其義後
 世或連舉其文若呂氏春秋之稱京與正是也應劭
 京與正為一則沿於後世之稱京與正是也非人力
 郡縣志云京者人力所為若公孫瓚所築易京是也
 所為者人力所為若榮陽京索是也此皆後世相沿之
 訓異也人力所為若榮陽京索是也此皆後世相沿之
 力所作也郭註本孫炎。地自然生。正義詩疏引

爾雅正義 卷十一 一

李巡云謂非人力所為自然生為正孫
炎云地性自然也郭註兼取李孫之義

水潦所還埒正

謂正邊有界埒水繞環之

正義埒者界兆也說

文云埒卑垣也玉篇云淮南道有形埒亦封道曰埒
廣韻云隈隅也案淮南本經訓云聚埒畝是則耕墾
之界亦名為埒此正為水潦所環繞有界以限之故
名埒正謂正至環之。正義郭註方言云有界埒
似耕墾是言界埒之狀也

上正章正註頂平

正義正之平正者名章正後世有
章正山蓋依此名隋書地理志齊郡

有章正縣元和郡縣志章正縣本漢陽正
縣隋改為章正取縣南章正山為名也

澤中有正都正註

在池澤中風俗通義云水澤所聚謂
之都亦曰瀦鄭康成禮記註云南方謂都為瀦

釋名云澤中有正曰都正言蟲鳥所都聚也

當途梧正註途道

正義當道有正名梧正釋名云當途
曰梧正梧忤也與人相當忤也後世

有梧正蓋依此名說苑辨物篇齊景公畋於梧正戰
國策云下壘梧正亦名五丈夫之正當途監本作堂
途今從石經改正

途出其右而還之畫正

註言為道所規畫途出其前戴

正註道出正南途出其後昌正

註道出正北有不

當途而途從右旋者名畫正途從其前出者名戴正
從其後出者名昌正釋名云道出其前曰戴正在前故戴
右凡有指畫皆用右也道出其前曰戴正在前故戴
也道出其後曰昌正案釋名省而還之三字人有所
規畫多從右而旋然則此三字不當省也戴正釋名
作載正古者戴載二字通用左氏隱十年伐戴公羊
穀梁作伐載周頌載弁休休郭氏釋言註引作戴弁
休休是也昌正亦名梁正昌梁雙聲字左氏莊二年

傳過於梁正杜註梁正北在昌邑南蓋邑因正以為名矣。道出正南道出正北。正義召南毛傳山南曰陽孔疏陰是山北左謂東右謂西也。正與山同。

水出其前消正水出其後沮正水出其右正正水出其

左營正註今齊之營正淄水過其南及東。前後左右之

有水過之者此別其名也釋名云水出其前曰阻正也水出其右曰消正案消正釋名也西方義氣有所制止也水出其左曰營正案消正者說文云沮正作阻正音義同正前謂之消正所見本異也說文云沮正作阻正音義同之異文禮記疏引釋正云水出其前而左曰營正史記集解水經註並引爾雅云水出其前而左曰營正也故晏子曰前左者是也薛瓚漢書註云臨淄即營正

營正也應劭以為營正即營陵正也。鄭道元云營陵城南無水惟城北有一水世謂之白狼水西出丹山俗謂凡山也東北流由爾雅出前左之文不得以為營正矣。今臨淄城中有正。在小城內周遭三百步高九丈北降丈五。淄水出其前故有營正之名與爾雅相符。元和郡縣志營正臨淄縣北百步外城中爾雅曰水出其前經其左故曰營正。諸家引爾雅之文詳畧不同。以水所營繞而言其當有前字明甚。今齊至及東。郭註詩疏引孫炎云今齊之營正淄水過其南及東。郭註本孫炎水經註引郭註過水也。故孔穎達云水所營繞故曰營正。亦言其自前而左也。蓋郭氏註爾雅時本作前左。唐初爾雅本即有疏引爾雅無前字。然其訓釋營字俱從水之營繞取義。孔氏亦知作前左者為舊本也。今見行爾雅本俱無前字。姑仍其舊。

爾雅本俱無前字姑仍其舊

如覆敦者敦正註敦孟也

正義 正形如覆敦者名敦正後世有敦正蓋依此名太平

寰宇記敦正杜觀城縣南二十里註敦孟也。孫炎云敦器似孟郭氏取其義也。少牢饋食禮云敦皆南首鄭註敦有首者尊者器節也。明堂位云有虞氏之兩敦鄭註黍稷器又鄭註周禮云玉敦受黍稷器儀禮疏引孝經鈞命決云敦規首上下圓相連是敦之形狀也。孟體亦圓故郭氏舉類以曉人敦正之狀似之也。

邈池沙正註旁行連延

正義 說文云邈行邈邈也。池臺漢書地理志鉅鹿郡鉅鹿縣紂所作沙正臺在東北七十里淮南道應訓在沙正因學紀聞引莊子逸篇云孔子舍於沙正皆依爾雅為名也。史記集解引爾雅作池。

之迂赤相連者俱名沙正。史記殷本紀益廣沙正苑臺漢書地理志鉅鹿郡鉅鹿縣紂所作沙正臺在東北七十里淮南道應訓在沙正因學紀聞引莊子逸篇云孔子舍於沙正皆依爾雅為名也。史記集解引爾雅作池。

左高咸正右高臨正前高旄正註詩云旄正之葛兮後

高陵正偏高阿正註詩云陟彼河正正義正之高有

有偏在一隅者此別其名也。左高而右卑者名咸正。後世有成正蓋依此名春秋桓七年焚咸正杜註咸正魯地高平國鉅野縣有咸亭公羊傳云咸正者何邾婁之邑也。右高而左卑者名臨正。前高而後卑者名旄正。詩疏引李巡云謂前高後卑下旄本或作髦釋名云前高曰髦正如馬舉頭垂髦也。釋文引字林作莖云莖正也。太平寰宇記旄正在澶州臨河縣東今在大名府開州正之後高而前卑者名陵正。正偏高而不在左右前後者名阿正。詩疏引李巡云謂正邊高釋名云偏高曰阿正阿荷也。如人擔荷物一前高後下曰旄正。詩云至葛兮。正義 邈池沙正。邈池沙正也。

宛中宛正註宛謂中央隆高正背有正為負正註此解

宛正中央隆峻狀如負一正於背上正義陳風宛正

方高中央下曰宛正疏引李巡孫炎皆云中央下元

和郡縣志引爾雅舊註云四方高中央下曰宛釋宛

正者舊無異說郭氏獨以為中央隆高者以下文釋

山云宛中隆山之宛中者名隆隆是高峻之貌是正

之宛中者與山之宛中同義此篇下云正上有正為

宛正可證其為中央隆高矣釋名云中央高曰宛正

有正宛宛如偃器也與郭氏義同正背有正曰負正

說文云賦正名武資聲相近賦正即負正也正義宛謂

至隆高。正義詩疏引郭註云宛正謂中央隆峻狀

如一正矣與今本異。此解至背上。正義正背有

正疑於後高陵正郭以正背即

正上也故定為重釋宛正之義

左澤定正右陵泰正註宋有泰正社亡見史記正義正

之東有

澤者名定正說文云阡正名即定正也正之西有大

阜者名泰正後世有太正蓋依此名正義宋有至史記

正義史記集解引爾雅泰正作太正索隱引郭註云

宋有太正社以社名此地也與今本異六國表周顯

王三十二年秦惠文王二年宋太正社亡封禪書亦

云宋太正社亡索隱曰應劭云亡淪入地非也亡謂

社主

亡也

如畝畝正註正有隴界如田畝如陵陵正註陵大阜也

正義小雅巷伯云猗于畝正疏引李巡云謂正如田

畝曰畝正也孫炎云方百步也釋名云畝正正體滿

一畝之地也郭註本李巡為義正之如陵者名陵正

與後高之陵正同名正義陵大阜也。正義釋地文

正上有正為宛正正義嫌人不了故重曉之正義此重釋

地廣記云爾雅正上有正

曰宛正今其地形則然

爾雅正義

卷十一

八

陳有宛註今在陳郡陳縣晉有潛註今在太原晉

陽縣淮南有州黎註今在壽春縣正義此釋工之

工者鄭氏詩譜陳都於宛註之側水經註宛註在陳

城南道東王隱云漸欲平今不知所在矣註元和郡縣

志宛註在陳州宛註縣南三里太平寰宇記在宛註北

縣南三里高二丈案宛註在元魏時酈道元註已云不

知所在而李吉甫能按其道里樂史且計其崇卑疑

後人別指一註以當之非王隱所云漸欲平者矣晉

有潛註工隋開皇二年於其上置大興國觀案舊唐書

莊城東八里宋修惠明寺陶土作瓦是註遂源淮南

有州黎註工者州黎即州來古者來黎音同劉台拱云

鹽鐵論孔子能方不能圓故飢於黎註工哀公二年蔡

遷於州來四年孔子自陳適蔡三歲吳伐陳楚救陳

軍於陳父使人聘孔子於是絕糧陳蔡之間鹽鐵論

所謂黎註工蓋即州黎之註也正義陳郡陳縣正義晉

書地理志梁國陳縣案晉初以陳郡屬梁國晉書據

初制也惠帝復置陳郡淮寧縣註太原晉陽縣正義時之

郡縣也今為陳州府淮寧縣註太原晉陽縣正義時之

晉書地理志太原國晉陽縣今為太原府太原縣正義

壽春縣正義晉書地理志淮南郡壽春縣今為鳳陽府壽州

南郡壽春縣今為鳳陽府壽州

天下有名註五其三在河南其二在河北註說者多以

州黎宛營為河南潛敦為河北者案此方稱天下之

名註工恐此諸註工碌碌未足用當之始自別更有魁梧

桀大者五但未詳其名號今所在耳正義風俗通義

有名註工五其三在河南二在河北應劭不言所在今

無可考註說者至在耳正義以州黎宛營為河南

其形狀未可專指一處又據當時目驗諸工
形狀不足以當魁梧桀大之稱故從闕疑

正義題
上事

望厓洒而高岸註厓水邊洒謂深也視厓峻而水深者

曰岸正義說文云岸水厓而高者衛風氓云淇則有
岸此釋之也凡水邊之地望之下深而上峻者

名岸玉篇云洒深也與郭義同郭註義相成也
臺有洒毛傳洒高峻也與郭註義相成也

夷上洒下不濬註厓上平坦而下水深者為濬不發聲

正義王風葛藟云在河之濬毛傳濬水濬也魏風伐
檀云寘之河之濬兮毛傳濬厓也說文云濬水厓也
詩曰寘河之濬案說文節取詩句以證濬為水厓不
備引其全文也註厓上至發聲。正義詩疏引李巡
云夷上平上洒下附下故名濬孫炎云平上附下故
名曰濬不者蓋衍字李孫俱訓洒為附郭不從者洒

字从水西聲西與申聲相近又轉為深是從聲取義
不當訓為附也孫又以不為衍字郭知不然者下文
釋魚云左倪不類右倪不若不
字皆發聲詞不得以為衍文也

輿限今江東呼為浦輿淮南子曰漁者不爭限正義

詩作輿衛風云瞻彼淇輿毛傳輿限也說文云輿水
隈崖也隈水曲澳也詩釋文引孫炎云水曲中也詩
疏引陸璣云淇澳二水名劉昭郡國志引博物志
云輿水流入淇水水經注云肥泉博物志謂之澳水
毛言澳隈也鄭亦不以為津源而張司空專以為水
流入於淇非所究也然斯水即詩所謂泉源之水也
案劉昭郡國志所引博物志與陸璣說同然肥泉流
入於淇即泉源之水俱見衛風不得以為輿水爾雅
以隈釋輿毛傳因之是淇澳非二水名也註今江至
爭隈。正義玉篇云水源枝注江海邊曰浦郭引方
俗語為證也淮南覽真訓云田者不倍畔漁者不爭
隈高誘註隈曲深處魚所聚也是郭註所引也又原

道訓云以曲隈深潭相子
高誘註曲隈崖岸委曲

厓內為隩外為鞠註別厓表裏之名

正義此別水厓內外之名也大雅公

劉云芮鞠之即鄭箋水之內曰隩水之外曰鞠疏引李巡云厓內近水為隩其外為鞠孫炎云內曲裏也外曲表也周官職方氏註引詩作芮隩之即漢書地理志芮隩雍州水也顏師古云隩與鞠同韓詩作芮隩言公劉止其軍旅欲使安靜乃就汭水之隩耳詩疏引爾雅作鞠陸氏爾雅釋文亦作鞠今本作隈說文云隈隈崖也其內曰澳其外曰隈是爾雅舊本亦作隈釋文引字林作坭云隈厓外也左傳疏引爾雅亦作隈唐石經及宋本俱作鞠與陸氏釋文同今定從陸本

畢堂牆註今終南山道名畢其邊若堂室之牆

正義秦風終南

云有紀有堂毛傳堂畢道平如堂也鄭箋畢也堂也亦高大之山所宜有也畢終南山之道名邊如堂之

墻然疏引李巡云堂牆名崖似堂牆曰畢韓非子云董過于行馬邑山中深澗峭如墻深百仞是山徑之邊如墻也註今終至之牆

重厓岸註兩厓累者為岸岸上泔註岸上地

正義兩厓重累者曰

岸此覆釋上文望厓酒而高岸之義也岸上之地曰泔說文云泔水厓也从水午聲徐鉉云今作泔非是

墳註謂隄註謂墓名大防也說文云墳謂厓岸狀如墳

淮濱案大雅常武篇作鋪敦淮濱毛傳濱厓也鄭箋屯其兵於淮水大防之上又鄭註大司徒云水厓曰隄稻人云以防水鄭註防瀦旁隄也月令云修隄防本孫炎淮南修務訓言禹修彭蠡之防高誘也郭

涘為厓

謂水邊

正義王風葛藟云在河之涘疏引李

水厓也周書曰王出涘案說文引書今文太誓之詞也詩疏引鄭註云涘涯也王出於岸上公羊僖元年傳云自南涘何休註涘水涯邊行垂厓也

窮續汜

水無所通者谷者激

通於谷

正義窮續之谷者名激說文云續通溝也古文从谷續本通溝其窮竭無所通者名汜說文云汜窮續也水經註引爾雅云通谷者微郭景純曰微水邊通谷也與今本異說文云泉出通川曰谷

厓岸

正義題上事也水邊高者名厓岸說文云厓山邊也巖岸也是山邊高者亦名厓岸

故附見釋工

爾雅正義卷第十一

爾雅正義卷第十二

文淵閣校理翰林院編修加三級教習唐晉堯 國史館纂修官邵晉編纂

釋山第十一

正義周語云山土之聚也鄭註周禮云積石曰山春秋繁露云積土成山

無損也成其大無虧也小其上泰其下久長安後世無有去就儼然獨處惟山之意說文云山宣也宣氣散生萬物有石而高象形釋名云山雅也產生物也山體曰石石格也堅捍格也廣產云土高有石曰山是山者主積而成以石為體故水經註引春秋說題辭云陰含陽故石疑為山王虞易注云山之為體層峯峻嶺峭險參差也此篇所釋首言五山禹貢所謂莫高山也山三襲陟以下俱釋山之形體不釋山名故禹貢所導諸山若太行王屋嶧宗岷山俱不著于爾雅後世所命諸山依爾雅以為名若外方謂之嵩山天柱謂之霍山其最著矣泰山為東嶽

以下疑為漢初傳爾雅者所附益也

河南華陰山河西嶽吳嶽河東岱岱宗泰山

河北恒嶽北嶽恒山江南衡嶽衡山南嶽

之名也虞夏書言四嶽周禮大宗伯大司樂始有五嶽之文鄭註大司樂云五嶽岱在兗州衡在荊州華在豫州岳在雍州恒在并州據爾雅此文為釋也周營成周宅於土中四方所和會華山在成周境內故首舉之吳嶽在岐周境內故次及之中庸云載華嶽而不重舉華嶽可以該五岳邦畿喬嶽四方所仰止東岱北恒南衡所為三面環拱也釋地云河南曰豫州華在豫州故曰河南華河西曰雒州嶽在雒州故曰河西嶽濟河間曰兗州郭註自河東至濟岱在兗州故曰河東岱兩河間曰冀州在豫州南河之北恒在冀州故曰河北恒漢南曰荊州為江漢朝宗之地衡在荊州故曰江南衡爾雅於五嶽各繫以地所以

便望秩者無迷其方也周未望秩禮廢經訓衰微口說流傳寢生異議漢初傳爾雅者遂增益其文於此篇之末曰嵩高為中嶽太史公封禪書首述其言班固曰虎通義應劭風俗通義俱沿襲其說鄭註大宗伯亦云五嶽東曰岱宗南曰衡山西曰華山北曰恒山中曰嵩高山鄭君以爾雅所言五嶽前後異文互見於註迺未定之論孔穎達求其說而不得遂以鄭註為更見異意大司樂註至災異而言其五岳正名必取嵩高為完解賈公彥謂周國在雍州權立吳嶽為西嶽非常法爾此惑於漢儒增益之文轉致疑於五岳之正名也王制云五嶽視三公修其秩祀國有典常如謂可權立其名則秋祀亦無定所成周制禮必不其然大宗伯所言五嶽至祭祀大司樂所言五嶽至災異則是中嶽之祀在嵩高而吳嶽不與焉五嶽間有災異在吳嶽而嵩高不與焉以吳嶽為五嶽慮其或有震裂而去樂之文以嵩高為五嶽即可信其終古無震裂乎不正其名遷就其詞又何能得其定解矣爾雅者正名之書也職方氏掌天下之圖

以掌天下之地九州之山鎮曰會稽曰衡山曰華山
日沂山曰岱山曰嶽山曰醫無閭曰霍山曰恒山而
無嵩高以會稽沂山醫無閭霍山為四鎮則華嶽岱
恒衡為五嶽而不指嵩高其明証矣何休公羊註引
尚書巡狩四嶽之文而益其下云還至嵩如初禮白
虎通義引尚書大傳云五嶽謂岱山霍山華出恒山
嵩山也或以此為唐虞五嶽有嵩高之證殊不知何
休尚識緯大傳多附益皆據漢事言之三代以前書
闕有間虞夏書四岳而外惟霍太山有太岳之稱是
為唐虞之五嶽左氏昭四年傳司馬侯云四岳三塗
陽城太室太室即嵩高山別太室於四岳之外明乎
太室之不稱岳也知周以前不稱嵩高為岳則無疑
於吳嶽之為岳當從爾雅此文及大司樂註為成周
五岳之定名也詩疏引鄭志雜問云周都豐鎬故以
吳岳為西岳周家定以岳山為西岳不數嵩高鄭君
釋五嶽此為定論矣註華陰山○正書疏引李巡
云華西岳華山也此沿於舊說也郭意以下文河西
嶽例之周以嶽山為西岳則華當為中岳故不從李

註但以為華陰山。吳嶽。太平御覽引孫炎
云嶽雍州鎮有吳嶽山孫氏但以為雍州鎮蓋未能
折衷於鄭志定吳嶽為西岳也高貢云導岍及岐嶽
方離州其山鎮曰嶽山漢書地理志扶風汧縣吳山
在西南古文以為沂山水經註云沂水又東會一水發
南山西側國語所謂虞矣禹貢本名岍山爾雅職方
因其為西嶽故稱為嶽山俗謂之吳山又合稱吳嶽
吳或作虞以其聲近字同也史記封禪書談分吳山
吳嶽為二吳嶽今在隴州。岱宗至南嶽。正書
疏引李巡云岱東岳泰山也恒北岳恒山也衡南岳
衡山也郭註本李巡詳見下文書疏又引
郭氏音義云恒山一名常山避漢文帝諱

山三龔陟龔亦重再成英兩山相重一成塚書

日至于大塚也此釋山形重龔之異名也成塚猶重

問篇周以喬陟張湛註山之重龔也殷敬順釋文引
郭註云重也水經註稱為三累山書疏引李巡云

再重日英西山經有英山水經註云
平寰宇記鄭縣有英山其取再成之義以為名與書
疏又引李巡云一重曰徑水經註引爾雅云山一成
謂之徑許慎呂忱等竝以為正一成也案今本說文
云徑正再成也與鄭註所引許慎說異蓋鄭註為得
其實矣書曰至于大徑禹貢文水經註河
水東逕成臯大徑山下鄭康成曰地喉也沈出徑際
矣在河內修武武德之界濟沈之水與滎播澤出入
自此然則大徑即是山矣又云成臯縣之故城在徑
上滎帶徑阜是鄭註本鄭說以成臯縣山為大徑也
書孔疏引薛瓚漢書音義以為黎陽縣山臨河豈不
是大徑乎後世學者多從薛說隋書地理志黎陽縣
有大徑山在今衛輝府濬縣東南二里

山大而高崧今中嶽嵩高山蓋依此名嵩高維嶽此

釋之也毛傳崧高貌疏引李巡云高大曰崧釋名云
山大而高曰嵩嵩嶽也亦高稱也嵩為崇字之或體

字亦作崧已見釋詁今中至此名郭意以
外方為崧高出於禹名山川之後知其依爾雅以為
名也後世山名有依於爾雅者舉以示例也以詩嵩
高維嶽為專指中嶽而言其誤始於應劭風俗通義
山小而高岑言岑崟銳而高嶠言鐵峻卑而大扈

扈廣也小而眾歸小山叢羅此分別山有

也。小而高岑。釋名云山小而高曰岑。岑，嶠也。嶠，然也。後漢書註嶠山一名嶽。岑，山蓋依此名。銳而高嶠。釋名云上銳而長曰嶠。形似橋也。嶠本作喬。淮南泰族訓引詩及河嶠岳。今詩作喬。本或作橋。史記黃帝本紀葬橋山。正義引爾雅云山銳而高曰橋也。釋文引字林作嶠。云山銳而長也。玉篇云嶠峻也。形似橋與釋名同義。列子湯問篇所云海中山有員嶠。非雅義也。卑而大扈。山之卑而大者曰扈。說文云鄴有扈谷。甘亭扈谷之名。蓋取義於卑而大矣。古文扈作呬。玉篇作峴。山廣貌。釋文亦作峴。俗體字。

也。小而眾歸。釋文云歸然高峻貌字林云小山而眾也莊子天下篇歸然而有餘釋文云字或作魏高誘淮南註云鬼鬼然故曰魏言岑崟。言云岑高也郭氏彼註云岑崟峻貌也說文云崟山之崟崟也釋文云字又作唵公羊僖三十三年傳殺之崟崟穀梁傳作必於殺之崟崟之下。扈廣也。謂大廣郭註本鄭義

小山崟大山峒 崟謂高過 兩山相竝而小山高過於大山者曰峒說文云

馭馬行相及也讀若爾雅小山馭大山峒玉篇云崟山高貌

屬者嶧 言駱驛相連屬獨者蜀 蜀亦孤獨 郭賦云屬連也山之連屬者曰嶧孤獨者曰蜀禹貢云嶧陽孤桐漢書地理志東海郡下邳縣有葛嶧山古文以為嶧陽後世有蜀山又首山一名獨山皆依爾雅以為名 言駱至連屬。 劉昭續漢志註引

郭璞云釋山純石積構連屬初學記引舊說云今魯國有嶧山純石相積構連屬成山蓋謂此也疑為郭氏音義之文。蜀亦孤獨。 蜀本嶽各獨行無羣匹見下文釋嶽假借以為孤獨之名

上正章 山上平宛中隆 山中央高 釋正云上

正此又釋山形相似者之名也漢書地理志江夏郡竟陵縣章山在東北古文以為內方史記正義引括地志云方城山頂上平四面險峻是凡山之上平者俱名章也玉篇云隆中央高也左氏成二年傳齊侯圍龍史記晉世家云齊伐魯取隆索隱引劉氏曰隆即龍也魯北有隆山管子中匡篇反腓於隆嶽淮南似真訓終隆之山後世所謂隆中隆慮蓋取宛中之義

山脊岡 謂山長脊未及上翠微 近上旁陂 釋

脊曰岡岡亢也在上之言也山旁曰陂言陂陀也大雅公劉云迺陟南岡疏引孫炎云長山之脊也其未

及上者名翠微謂旁陂也初學記引舊註云一說山氣青縹色曰翠微劉逵蜀都賦註翠微山氣之輕縹也與爾雅義殊

山頂冢註山巔峯者厓屨註謂峰頭巉巖正義小雅十月云山冢峯

崩毛傳山頂曰冢鄭箋峯者崔嵬漸之石也蓋鄭君所卒矣鄭箋亦云卒者崔嵬謂山巔之石也見爾雅本作卒者崔嵬說文云峯危高也屨屨山巔也釋名云山頂曰冢冢腫也言腫起也史記封禪書云四大冢鴻岐吳岳索隱云謂四山為大冢爾雅曰山頂曰冢亦因鴻冢而為號也註山巔正義釋言云巔頂也詩疏引孫炎云冢謂山巔也郭註本孫炎○峰頭巉巖正義玉篇云巉巖高危後漢書註云巉巖山石高峻之貌釋文

引字林云巉巖山貌也
山如堂者密形如堂室者尸子曰松柏之鼠不知堂

密之有美縱如防者盛防隄如堂者後漢書鍾皓

傳歸隱密山元和郡縣志云河南府密縣故密國春秋諸侯伐鄭圍新密爾雅山如堂者曰密因以為名盛者釋文云山形如黍稷之在器案盛通作成楊倞荀子註盛讀為成史記封禪書云成山斗入海漢書郊祀志作盛讀為成山海濱以山為限若隄防之止水矣形如至美樅○鄭註檀弓云堂形四方而高山形如堂當似之也郭引尸子舊疏以為綽子篇文○防隄正義說文云防隄也鄭註檀弓云防形旁殺平上而長孔穎達云上平而兩旁殺其南北長也如防之山其形當猶此矣

巒山墮謂山形長狹者荆州謂之巒詩曰墮山喬嶽

賦註云巒山長而狹也一曰小而銳也釋文引埤蒼云山小而銳字林云山之施墮者謂山至喬嶽○郭知山形狹長者鄭註儀禮云墮方曰墮釋文

云隋狹而長隋隨聲相近是巒雖有銳小之訓當以狹長爲正訓也荆州謂之巒者楚詞九諫云登巒山以四望兮好桂樹之冬榮是楚人語也隨山喬嶽周頌般文毛傳隨山山之隨隨小者也

重巒 謂山形如累兩巒巒也山形狀似之因以

名云 正義詩疏引李巡云巒阪也孫炎云山基有重

云小山別大山曰巒巒也餽一孔者巒形孤出處似之也是巒本山名重巒則爲巒也謂山至各云

○正義郭氏舉類以曉人也方言云餽自關而東謂之巒鄭註考工記云巒無底餽說文云巒餽也一穿

日巒釋文引字林云巒山形似重巒與郭異同

左右有岸 正義說文云巖岸也左右有

同風云上高巖之峭岸今謂山岸也玉篇云岸口合切山夾有岸又有岸字口合切廣韻云岸口答切山

左右有岸孫星衍云當作厓說文厓石地也

大山宮小山 霍宮謂圍繞之禮記曰君爲廬宮之是

也小山別大山 鮮不相連 此辨大山小山相

圍繞小山者名霍郭氏註中山經云案爾雅大山繞

小山爲霍今平陽永安縣廬江濤縣晉安羅江縣河

南鞏縣皆有霍山明山以霍名者非一矣郭氏引爾

雅易宮爲繞俾人易曉也鄭道元水經註於霍山下

引爾雅曰大山宮小山曰霍是也廬江水下引爾雅

云大山曰宮謂宮亭之名蓋起於此失其句讀矣小

山別於大山者名鮮釋文引李巡云大山少故曰鮮

大雅皇矣云度其鮮原毛傳用爾雅逸周書和庶解

王乃出圖商至于鮮原卽詩所云鮮原矣公劉云涉

則在巒毛傳巒小山別於大山也是毛以鮮巒爲一

字也釋名鮮作巒所見木巒禮記至宮之巒巒爲一

喪大記文鄭註宮謂圍障之也郭引以證宮有圍障

之義也喪大記又云君大夫士皆宮之。不相連也。郭註本孫炎

山絕經連山中斷絕傳四年傳云齊侯伐楚次于陘

史記楚世家作兵侵楚至陘山戰國策云楚地有分

陘之塞又云韓南有陘山皆指今新鄭縣西南之陘

山也淮南地形訓以井陘為九塞之一趙世家云與

之陘徐廣云陘者山絕之名常山有井陘中山有苦

陘元和郡縣志引述征記云太行山首始於河內自

河內北至幽州凡有八陘第一曰軹關陘第二太行

陘第三白陘第四滏口陘第五井陘第六飛狐陘第

七蒲陰陘第八軍都陘凡兩山中斷以成隘道者皆

稱陘焉

多小石礫註多礫礫多大石礫註多礫石註說文云

也畧山多大石也釋名云山多小石曰礫礫堯也每

石堯堯獨處而出見也山多大石曰畧畧學也大石

之形學學然也礫省作敖小雅車攻云擗馱于敖左

氏宣十二年傳晉師在敖鄆之間社註敖鄆二山名

水經註引述征記作礫礫南北史俱作礫礫註多礫

錄。相支柱其間析析然出內氣也衆經音義引通俗文

云地多小石謂之礫礫。多礫石。玉篇云礫

大石也礫本亦作盤楊倬荀子註盤石盤薄大石也

多草木帖註無草木註咳註皆見詩註說文云帖山有草

云山有草木曰帖帖也無所生出也釋文引三蒼字林

無草木曰吧吧也無所生出也釋文引三蒼字林

聲類並云咳猶吧字註皆見詩。無草木曰帖帖山有

陟彼帖兮又云陟彼吧兮毛傳山無草木曰帖帖山有

草木曰吧與爾雅正招反孔疏以毛傳為傳寫誤也詩釋文云王肅依爾雅

山上有水埒註有淳泉註脫也脫而下流也釋文云水潦

所還埽正郭註以為有界埽水則此山上有水亦當有界以限之也淮南齊俗訓云狽狽得埽防高誘註埽水埽也

夏有水冬無水泉註有淳潦正義說文云夏有水冬無水曰泉泉或作淳元和郡

縣志兗州泗水縣有漏澤漏穴有五皆方丈餘深二丈以上其澤每夏積水秋冬漏竭將漏之時居人知之不過三日漏水都盡是其類也有淳潦郭以潦水易盈易涸猶釋正以水潦所止為泥正也

山嶺無所通谿謂窮嶺者嶺無所通與水注川同名說文云谿山瀆無所通者是本於雅訓也杜

名謂左傳註云谿亦澗也與此義殊所謂至同名引李巡云山中水瀆雖無所通與水注川同名郭註之本李巡兼引釋正之文相證明也

石戴土謂之崔嵬石山上有土者土戴石為崔嵬周南卷耳云陟彼崔嵬又云

山上有石者疏矣此釋之也疏引孫炎云石山上有土者又云土山上有石者是郭註所本也毛傳崔嵬

土山之戴石者石山戴土曰崔嵬與爾雅正反孔疏以為傳寫之誤然說文云嵬石戴土也釋名云石戴土曰嵬嵬臆然也土戴石曰崔嵬因形名之也俱本毛傳疑所見本異也說文又云阮

石山戴土也亦所以廣異名

山夾水澗陵夾水瀆別山陵間有水者之名李巡云山間有水者名澗釋名山夾水曰澗澗

也言在兩山之間也廣雅云澗間也衛風云考槃在澗釋文引韓詩澗作干云境壅之處也詩序亦以為賢者退而窮處蓋兩山夾水沙土境壅境字迫隘惟碩人處之適覺其寬爾左氏隱二年傳云澗谿沼

止之毛杜註谿亦澗也孫子云凡地有絕澗註云水

深大者為絕澗杜氏以谿為澗是深大之澗也陵

間夾水者名澗釋文云木又作虞案虞又通作澗

山有穴為岫謂巖穴正說說文云岫山穴也籀文作

岐下陶窳陶穴謂於地旁巖築下為室若陶窳然也

需卦爻辭云出自穴王弼註穴者陰之路也孔子問

居云山川出雲

山西曰夕陽正說暮乃見日山東曰朝陽正說旦即見日

大雅公劉云度其夕陽卷阿云于彼朝陽此釋之也

書疏引李巡云山西暮乃見日故曰夕陽山東朝乃

見日故曰朝陽詩疏引孫炎云夕乃見日朝先見日

釋名云山東曰朝陽山西曰夕陽隨日所照而名之

也秋官柝人疏引爾雅云山南曰陽山北曰陰蓋釋

爾雅者之舊說穀梁倍二十八年傳云水北為陽山

南為陽由雅訓而推廣之也

泰山為東嶽正說在奉高縣西北華山為西嶽正說在宏農

華陰縣西南霍山為南嶽正說在衡陽湘南縣南今在

廬江濤縣西即天柱山濤水所出也漢武帝以衡山

遼曠因讖緯皆以霍山為南嶽故移其神於此今其

土俗人皆呼之為南岳南岳本自以兩山得名非從

近也而學者多以霍山不得為南岳又言從漢武帝

始乃名之如此言為漢武在爾雅前乎斯不然矣恒

山為北嶽正說恒山在常山上曲陽縣西北嵩高為中

嶽正說大室山也正說此後世所稱之五嶽也史記封

禪書引尚書而釋之日歲二月東巡

符至于岱宗岱宗泰山也五月巡狩至南岳南岳衡山也八月巡狩至西岳西岳華山也十一月巡狩至北岳北岳恒山也又增益其文曰中岳嵩高也是漢初諸儒以嵩高配五岳之數後世仍之至今不改詩疏引孫炎說霍山當作衡山字之誤也郭氏則以爲一山而二名白虎通義云嶽者何謂也嶽之言嶽也嶽功也東方爲霍山者何霍之爲言護也言太陽用事護也南方爲霍山者何霍之爲言護也言萬物成熟可得獲也北方爲華山者何華之爲言獲也言萬物成於北方有常也中央爲嵩高者何嵩言其高大也說文云嶽東岱南霍西華北恒中泰室王者之所以巡狩所至此言漢制也風俗通義云東方泰山詩云泰山巖巖魯邦所瞻尊曰岱宗岱者長也萬物之始陰陽交代雲觸石而出膚寸而合不崇朝而徧雨天下其惟泰山乎故爲五嶽之長南方衡山一名霍霍者萬物盛長垂枝布葉霍然而大西方華山華者華也萬物滋然變華於西方也北方恒山恒者常也萬

物伏藏於北方有常也中央曰嵩高嵩者高也詩云嵩高惟嶽峻極于天嶽者功考德黜陟幽明也此以漢制傳合雅訓故以衡霍爲一山也孔穎達定從嵩高爲中嶽而以西嶽岳山爲非且爲之說曰若必據已所都而定方岳則五岳之名無代不改何則軒居上谷處恒山之西舜居蒲坂在華陰之北豈當據已所存改岳祀乎今案孔說非也古者五岳之祀豈以修言封禪刻石檢玉引爲受命之符乎夫固將因望秩之文修禋禘之禮行慶讓黜陟於天下也唐虞三代衆建諸侯日覲班瑞羣后述職天子迺舉五載一巡守之典以考禮正刑一德巡狩所至必於名山穹隆之望爽塏之虛聚一方所觀瞻致其明禋修其典禮猶功考德慶讓遂行唐虞以霍太山爲岳是爲中岳名見禹貢而不著於帝典者霍太山在冀州帝都之內非巡狩所至故畧而不言周營成周華山在王畿之內故爲中嶽西方諸侯必當有朝覲之所故吳嶽爲西嶽周室旣衰典章淪墜春秋之始鄭伯以泰山之祊易許田而巡狩之禮廢春秋之末季氏旅

爾雅上義 卷十一 七

於泰山而望祀之禮亦廢吳嶽屬於秦衡山屬於楚
儒者局於所聞毀所不見說五嶽者紛然殺亂因國
語崇山之文而增益為嵩高因嵩高之名而傳會於
詩之終高惟嶽遂以崧高為中岳之名豈知詩所謂
崧高惟嶽者固指四嶽而言哉或謂五嶽所在唐虞
周漢屢易其方然則後世亦可別指一山以為嶽乎
斯又有所不可也夫周立西嶽異於唐虞非好為更
易也因封建之制也封建既廢則嶽祀當視其方位
王者大一統而昭無外五方喬嶽能興雲雨而有功
德者以時秩祀豈必舍往訓而別定其方嶽哉此東
岱西華南衡北恒中嵩高所由相沿不改為五嶽之
定名也在奉高縣西北正義漢書地理志泰山
郡奉高縣有明堂博縣有泰山祠岱山在西北晉仍
漢制泰山今在泰安府泰安縣北在宏至西南仍
正義漢書地理志京兆華陰縣太華山在南有祠豫
州山晉書地理志宏農郡華陰縣華山在縣南今華
山在同州府華陰縣南十里在衡至近也
郭云在衡陽湘南縣南者漢書地理志長沙國湘南

縣禹貢衡山在東南荆州山晉書地理志衡陽郡湘
南縣縣名仍漢舊衡陽郡為長沙郡所分置也衡山
在縣南古今所謂南岳也今衡山在衡州府衡山縣
西郭云今在廬江濳縣西者漢書地理志廬江郡濳
縣天柱山在南有祠晉仍漢制今濳山在安慶府濳
山縣西北郭云即天柱山濳水所出者廣雅云霍山
謂之天柱今謂之皖公山皖水出焉別流曰濳水合
流入於江郭云漢武帝移其神於此者史記封禪書
云上巡南郡至江陵而東登禮濳之天柱山號曰南
嶽太史公意以天柱山本非南嶽武帝強號曰南嶽
爾太平御覽引徐靈期南岳記云衡山者五嶽之南
嶽也其來尚矣至于軒轅乃以濳霍之山為副焉故
爾雅曰霍山為南嶽蓋因其副焉至漢武南巡又以
衡山遼遠道隔江漢於是以徙南嶽之祭於廬江濳
山亦承軒轅副義也案軒轅以濳霍為副於古籍無
徵此海上怪迂之士妄引黃帝不足為信漢武所據
識緯大率類此矣郭云南岳本自以兩山為名非從
近者郭意以衡霍為一山也尚書大傳有中祀霍山

及奠南方霍山之文大傳為後人哀集不盡可據應
通典引三禮義宗云唐虞以衡山為南岳周氏以霍
山為南嶽此見爾雅前後異文求其故而不得強為
之詞然未嘗不以衡山霍山為二山也水經釋禹貢
山水澤地云霍山為南岳在廬江潯縣西南衡山在
長沙湘南縣南是亦以霍山衡山為二山也以爾雅
前後覈之釋地所云梁山即為衡山此由於聲之轉
也釋山上云江南衡山下云霍山為南嶽即使衡山別
名霍山不得一篇之中互舉其名况夫霍之為義由
於大山宮小山也今天在中舉其名而四圍有大山
以宮繞之衡州之衡山則中峯獨高而前後左右諸
山皆在其下揆諸雅訓則天柱可名之日霍衡山不
得名之日霍此可以目驗而知也然則爾雅此文何
以云霍山為南嶽蓋漢武以後諸儒所竄易也漢初
儒者增益五嶽之名於釋山篇末與封禪書同武帝
以後復改衡為霍以附合時制郭氏不悟其為竄別
遂遷就而為之詞曰學者以霍山為嶽始於漢武將

漢武在爾雅前乎夫爾雅固在漢武以前但郭氏所
據之本果即漢武以前相傳之爾雅乎斯不得過信
今本轉疑古訓也合經傳而總核之冀州之霍山與
泰衡華恒唐虞之五嶽也華嶽泰恒衡周之五嶽也
武帝所定之五岳也知漢以前五嶽無定名則不或
於羣說之膠膈矣或謂世所傳本定為漢儒增易得
毋勇於疑經乎斯又不然禮記或素或青雜以秦語
左傳其處者為劉氏明為漢儒竄入則知漢儒增益
經文正不必為之掩護信古善述者斷不以一端之
失而疑及全經爾○恒山至西北○漢書地理
志常山郡上曲陽縣恒山北谷在西北有祠并州山
晉仍漢制今恒山在定州曲陽縣西北郭註自在奉
高縣西北至此舊本多闕今據禮記疏及詩疏補入
○太室山也○漢書地理志潁川郡密高縣武
帝置以奉太室山是為中岳有太室少室山廟古文
以崇高為外方山也水經註云合而言之為嵩高分
而名之為二室西南有少室東北有太室詩疏引堯

經鉤命決云中岳崧高是漢儒之說也今嵩山在河南府登封縣西

梁山晉望也音晉國所望祭者今在馮翊夏陽縣西北

臨河上音詩疏引孫炎云晉國所望祭也春秋成

也穀梁傳云梁山崩壅遏河三日不流范甯集解云

梁山晉之望也楊士助疏云詩云奕奕梁山是韓國

之鎮霍陽韓魏晉之地故云晉之望也集解又引鄭

君曰望者祭山川之名也謂之晉望者猶左氏哀六

年傳云江漢睢漳楚之望也音今在至西北音書

漢書地理志左馮翊夏陽縣梁山在西北音書

地理志馮翊郡夏陽縣梁山在西北

今梁山在同州府郃陽韓城二縣境

爾雅正義卷第十三

文淵閣校理翰林院編修加三教習庶吉士充國史館纂修官邵晉涵撰集

釋水第十二

虎通義五行篇水曰水水曰潤下白

陰氣在黃泉之下任養萬物水之言準也養物

平均有準則也說文云水準也北方之行象衆

水並流中有微陽之氣也釋名云水準也準平

物也此篇所釋始於原泉見水之有本也泉之

所出或正或仄或從上下審測地勢俱可得泉

故管子云水者地之血氣如筋脈之通流者也

文選註引春秋元命包云水者五行始焉元氣

之溱液也泉之所會為川周語云川氣之導也

澤水之鍾也天地成而聚于高歸物于下疏為

川谷以導其氣故谿谷溝澮轉相灌注也通川

回川或決而復入或歸異出同孫子云水因地

爾雅正義

卷第十三

一

涉水則為揭為厲乘舟則溯河溯游言濟水之
用也水之大者為四瀆故乾鑿度云四瀆通情
優游信潔後漢書註引河圖云天有四表以布
精魄地有四瀆以出圖書也四瀆之大者莫若
河故於河曲九
河釋之較詳

泉一見一否為灑註灑纔有貌正義說文云泉水原也
舍其有時出有時涸者謂之灑言其汎澍纔有水也
論衡是應篇引爾雅作一見一否曰灑今本作為灑
所見本異也說文
引爾雅與今本同

井一有水一無水為灑註山海經云天井夏有水冬
無水即此類也正義雜卦傳云井通也易釋文引周
衷云化益伯益也說文云井八家一井象構韓形
灑之象也沟激水聲也釋名云井清也泉之清潔者

也井一有水一無水曰灑灑也沟有水聲沟沟
也井以養人而不窮其時見時否者別釋其名焉為
灑灑說文作謂之灑灑註山海至類也正義中山
經云視山其上多莖有井焉名曰天井夏有水冬竭
是郭所据也釋山云夏有水冬無水舉此指停潦而
言灑沟之井亦復時有無郭氏舉類以曉人也孫
子云地多陷曲名曰天井此言行
軍險地與郭氏所引山海經義殊

濫泉正出正出涌出也註公羊傳曰直出直猶正也沃
泉縣出縣出下出也註從上霑下沆泉穴出穴出仄
出也註從旁出也正義論衡云泉出之異輒有異名
說文云濫灑上及下也詩曰畢沸濫泉今大雅桑柔
篇作威沸檻泉毛傳涌泉之源所由者深言泉之直
出者其勢起涌故說文云涌騰也滕水超涌也釋名
云水正出曰濫泉濫銜也如人口有所銜曰閤則見

爾雅
卷十三
二

也詩疏引李巡云水泉從下上出曰涌泉呂氏春秋
水味篇高原之山其上有涌泉焉隋書地理志襄陵
郡梁縣有濫泉蓋後人依爾雅以為名沃泉至下
出也曹風云冽彼下泉毛傳泉下流也疏引李巡
云水泉從上溜下出釋名云懸出曰沃泉水從上
有所灌沃也案說文云沃灑灌也高懸下溜之泉如
相灌漑故謂之沃泉○沈泉至仄出也○小雅大東
云有冽泉毛傳側出曰沈泉疏引李巡云水泉從
傍而出名曰沈泉側出釋名云側出曰沈泉沈軌也流
狹而長如車軌也說文作厝厝出泉也又云沈水從
孔穴疾出也榮側出泉也○是側出之泉又名榮也
公羊至正也○正義昭五年傳云瀆泉者何直泉也
直訓為正直上之瀆泉即濫泉也釋名亦云水上出
曰涌泉瀆泉並是也

涇 涇關流川註 通流過辨回川註 旋流 正義考工記云兩山之間必有川焉

管子度地篇水之出於他水溝流于大水及海者命
曰川水深者曰川之貫穿通流也虞書曰濬川之距
川言深也涇關說文之水會為川也釋名云川穿地而
流也涇關說文之水會為川也釋名云川穿地而
川之回旋者名過辨

澮 澮反入註 即河水決出而復入者河之有澮猶江之有

澮入者澮水之反入者名澮水經註云反入謂河決復
澮湖在巴陵縣南一十里爾雅曰澮水決出復入者
為澮左傳定公四年吳人敗楚於澮澮五戰入郢即
此是也反入之水俱為澮也○澮即河至有澮也
義下文云決復入為澮郭以江之有澮證河之有澮
明反入即為復入也釋名云水從河出曰澮然也
雍沛言在河岸限內時見壅出則沛然也

澮 澮沙出註 今河中呼水中沙堆為澮 正義水中有積沙

卷之三 三

云沙水散石也从水从少水少沙見燕肅云潭海中沙也商賈或泛海取徒謂之登潭今河至為潭○
正義元和郡縣志河南府河陽縣中潭城東魏孝靜帝元象元年築玉篇云江南人呼水中沙堆為潭類篇云江東呼水中沙堆為潭今河陽縣南有潭城

汧出不流水泉潛出便自停成汚池**正義**水出泉而為汧與水決之澤入於渭者同名而異實列子黃帝篇汧水之潘為淵管子度地篇水出地而不流者命曰淵水書釋文引馬融云泉出而不流者謂之潛即其類也水泉至汚池○**正義**郭以汧池之水俱有泉原而不達於通川故舉類以曉人也說文云小池為汧楊倞荀子註汧停水之處

歸異出同流肥毛詩傳曰所出同所歸異為肥**正義**水經注引健為舍人云水異出流行合同曰肥案水經註馬溝水出朝歌城北東流南屈逕其城東又東流與

美溝合美溝水出朝歌西北大嶺下東流逕驛驛谷東逕朝歌城北又東南流注馬溝水又東南注淇水為肥泉也鄭道元以所出異所歸同為肥義本舍人與郭氏殊釋名云所出同所歸異曰肥泉本同出時所浸潤少所歸各枝散而多似肥者也與郭意同毛詩至為肥○**正義**邨風泉水云我思肥泉毛傳所出同所歸異為肥泉郭引毛傳省泉字水經註引爾雅作歸異出同曰肥

漢大出尾下今河東汾陰縣有水口如車輪許濱沸

涌出其深無限名之為漢馮翊郃陽縣復有漢亦如之相去數里而夾河河中階上又有一漢漢原皆潛相通柱汾陰者人壅其流以為陂種稻呼其本所出處為漢魁此是也尾猶底也正義說文云漢水浸也列子湯問篇壺領之山

有水湧出名曰神漢一源分爲四張湛註山頂之泉
曰漢是水之出流盛大而底原深下者謂之漢
河至是也。○水經註云漢水出汾陰縣南四十
里西去河三里平地開源噴泉上涌大幾如輪深則
不測俗呼爲漢魁古人壅其流以爲陂水種稻東西
二百步南北百餘步與郃陽漢水夾河河中渚上又
有一漢水西北流歷蒲阪西流注於河又出同流爲漢
水其水西北流歷蒲阪西流注於河又出同流爲漢
北有漢水南去二水各數里其水東逕其城內東入
於河又於城內側中有漢水東南出城注於河城南
又有漢水東流注於河元和郡縣志云中漢水蒲池
漢水與南漢水並在舊河西縣南五里今郃陽界內
太平寰宇記云蒲州臨晉縣漢水出縣西三十八里
案呂忱所引爾雅蓋古義也漢河東郡汾陰縣劉昭
異出同流者爲漢蓋古義也漢河東郡汾陰縣劉昭
注補續漢志引郭註爲證晉因漢制監本晉書地理
志作河東郡汾陽縣疑傳寫之訛今爲蒲州府榮河
縣漢左馮翊郃陽縣晉爲馮翊郡郃陽縣今爲同州

府郃陽縣監本作名之曰漢呼
其本所出處無所字今從宋本

水醮曰辱謂水醮盡說文云醮盡也沈水匣枯

泉也案說文所引沈辱二字與今本爾雅彼此
互易玉篇云辱水盡也仄出曰沈泉與今本同

水自河出爲澗書曰澗沮會同濟爲澆汶爲澗洛爲

波漢爲潛書曰沱潛既道淮爲澗江爲沱詩曰

岷山導江東別爲沱過爲洵頰爲沙汝爲澗詩曰

遵彼汝澗皆大水溢出別爲小水之名此釋大

小水之名也河濟淮江詳見下文四瀆汶入於洙洛
入於河漢入於江過潁汝入於淮皆發原注四瀆者
也其洙出者又別爲小水。水自河出爲澗。上文
云澗反入此又言水之自河溢出者亦名澗也水經

注河水北與枝津合水受大河東北逕富平城所在
 漢書鄒陽傳申徒狄蹈雍之河顏師古註雍者河水
 溢出為小流也是水之自河別者俱得名灘矣說文
 去河灘水在宋又云汭水受陳留浚儀陰溝至蒙為
 灘水東入于泗案說文所云汭水在宋水經又云東過
 經所謂獲水也蒙為宋地故云汭水在宋水經又云東過
 楚之戰晉軍爭濟舟中之指可掬楚莊祀河告成而
 還即處也淮南人間訓楚莊王勝晉於河雍之間
 是蕩蕩渠初出即稱為灘也水經又云瓠子河出東
 郡濮陽縣北河注云縣北十里即瓠子河為灘也爾雅曰
 水自河出為灘是鄆道元以瓠子河為灘也洪雅曰
 注因勢曲蟠溢為小水所在多有後人沿爾雅之文
 凡自河出之水多名灘焉。濟為澁。水經註云汭
 水西分濟瀆東北逕濟陰郡南爾雅曰濟別為澁呂
 忱曰水決復入為汭廣異名也。是鄆氏以汭水為澁
 水也。汶為瀾。釋文引李巡云瀾溢也。漢書地理

志泰山郡萊蕪縣禹貢汶水出西南入沛水經與漢
 志同鄆道元云汶水又南洗水注之呂忱曰汶水出
 東平陽上承汶水於剛縣西闡亭東爾雅曰汶別為
 闡其猶洛之有波矣是洗水即闡水也註又引應劭
 曰春秋經書齊人取謹及闡今闡亭是也。杜預春秋
 釋地曰闡在剛縣北闡當作闡。洛為波。漢書地理
 理志宏農郡上雒縣禹貢雒水出冢頂山東北流至
 鞏入河水經云洛水出京兆上洛縣雒舉山註云洛
 水又東門水出焉爾雅所謂洛別為波也又云門水
 即洛水之支流者也洛水自洛縣東北於拒陽城
 之西北分為二水枝渠東北出為門水也。漢水溢流為
 波水也。漢為潛。荀子註引李巡云漢水溢流為
 潛禹貢云蟠冢導漾東流為漢書地理志隴西郡
 氏道縣禹貢漾水所出至武都為漢又云武都郡武
 都縣東漢水受氏道水一名沔過江夏謂之夏水入
 江書疏引郭氏音義云有水從漢中沔陽縣南流至
 梓潼漢壽入大穴中通岡山下西南潛出一名沔水
 舊俗云即禹貢潛也。史記正義引括地志云潛水一

石穴下元名龍門水出利州綿谷縣東北龍門山大
平寰宇記引梁州記蔥嶺山有石穴高數十丈其狀
如門號為龍門今四川保寧府廣元縣北龍門山潛
水自此入穴通山伏流重出屈曲流至巴縣入大江
即郭氏音義所云潛水也漢書地理志別一潛水與
潛水西南入江水經與漢志同酈道元云潛水蓋漢
水枝分潛出故受其稱爾此別一潛水與郭氏義殊
○淮為游水亦枝稱者也○江為沱○游水爾雅曰淮
海經注云淮水於縣枝分北為游水爾雅曰淮別
為游水亦枝稱者也○江為沱○游水爾雅曰淮別
李巡云江水溢出為沱書疏引郭氏音義云沱水自
蜀郡都安縣掄山與江別更流漢書地理志蜀郡郫
縣禹貢江沱在江東入大江即郭氏所云沱水也後
人謂之郫江今成都府灌縣東有都安故城○過為
洵。說文云過水受淮陽扶溝浪湯渠東入淮又云
洵過水中也水經注云陰溝始亂浪蕩終別於沙而

過水出焉過水受沙水於扶溝縣兩雅曰過為洵郭
景純曰大水洸為小水也曰洵過水也水經注
又云過水東南逕城父縣故城北沙水枝入注之水
上承沙水於思善縣世謂之章水又云新溝東北注
渠即沙水也音蔡許慎正作沙音楚東有沙水謂此
水也沙水東南逕城父縣西南枝津出焉俗謂之章
水是鄭道元以章水為洵水矣過漢地理志作洵○
穎為沙○漢書地理志穎川郡陽城縣穎水所出東
至下蔡入淮水經注臨穎縣穎水自縣西流注小潁
水出焉爾雅曰穎別為沙郭景純曰皆大水溢出別
為小水之名也亦猶江別為沱也臨穎縣小潁水即沙
矣今謂之小潁水會合穎水於今臨穎縣小潁水出
○汝為潁○淮南地形訓汝出猛山水東南逕奇雒城
河南梁縣勉鄉西天息山注云汝水東南逕奇雒城
西北潁水出焉亦謂之大潁水爾雅曰河有潁汝有
潁然則潁者汝別也故其下夾水之邑猶流汝陽之
名是或潁潁之聲相近矣亦或下合潁潁兼統厥稱
爾史記正義引括地志云汝水源自汝州魯山縣西

爾雅正義引括地志云汝水源自汝州魯山縣西

伏牛山亦名猛山汝水至豫州鄆城縣一名瀆水爾雅曰河有澗汝有瀆亦汝之別名案今鄆城縣有大澗水即大澗水也流合於汝即鄆道元所謂瀆水矣招地志以瀆為汝之別名未聞其審說文引爾雅作汝為瀆消小流也書曰澗沮會同鄭康成云雍水此雷夏既澤雍沮會同史記集解引鄭康成云雍水陽縣西北張守節正義引括地志云雷澤在濟陰州和郡縣志云雷澤縣本漢郃陽縣雷澤水沮水二源俱出縣西北平地去縣十四里是禹貢沈州之澗水不索隱引爾雅水自河出為雍以證禹貢澗沮與郭氏同○沱潛既道○正義禹貢荆州云沱潛既道史記引作沱潛集解引鄭康成云沱潛既道為沱潛史記隱云沱亦作潛潛出漢中安陽縣西北入漢梁州云沱潛既道水經注引鄭康成云漢別為潛其穴本小水積成澤流與漢合大禹自導漢疏通即為西漢水

也系漢書地理志安陽縣鬻谷水出西南北入漢索隱據以為說然鬻谷水尾入漢耳非自漢出也鄭氏以西漢水為潛與郭氏音義同水經注引劉澄之云有水從阿陽縣南至梓潼漢壽入大穴暗通岡山亦同郭義皆專指梁州之潛而言也○岷山至為沱○正義禹貢導水之文也水經云岷山在蜀郡氏道縣大江所出漢書地理志云蜀郡江原縣鄒水首受江南至武陽入江鄭氏以為沱之類與郭氏所指今為郫江者義殊水經又云江東至華容縣西夏水出焉書疏引鄭注云今南郡枝江縣有沱其尾入江首不於江出也華容有夏水首受江尾入沱蓋此所謂沱也是鄭以夏水為荆州之沱也○詩曰至汝瀆○正義周南文毛傳瀆作墳

水決之澤為汧註水決入澤中者亦名為汧決復入為

汧註水出去復還行流也水之決入者俱名為汧決

河注上卷

出而反入者俱名爲汜後世有汜水汜水蓋依此名
 ○水決至爲汜○水經註云渭水東逕郁夷縣故城
 南汜水入焉水出汜縣之蒲谷鄉茲中谷決爲沔蒲
 藪爾雅曰水決之澤爲汜汜之爲名實兼斯舉又云
 渭水東南出石門度小隴山逕南田縣南東與楚水
 合楚水又南流注於渭關關以是津流逕通而更攝其
 地志汜水出汜縣西北蓋以其津流逕通而更攝其
 通稱矣○決復入爲汜○召南云江有汜毛傳用爾
 雅說文云汜水別復入水也釋名云水決復入爲汜
 汜已也如出有所爲畢已而還入也淮南道應訓至
 於河上而航在一汜是汜之名不專指江水而言矣
 註水決至爲汜○正義郭云亦名爲汜所以別於上
 文之汜出而不流者也
 古汜水今謂之汜陽河

河水清且瀾漪大波爲瀾

註言渙瀾小波爲淪註言蘊

淪直波爲徑註言徑

義魏風伐直云河水清且直倚又

云河水清且淪漪此釋之也疏引李巡云分別水大
 小曲直之名大波爲瀾者說文云瀾或从連是漣卽
 瀾之或體字也徐鉉云今俗音力延切毛傳風行水
 成文曰漣釋名云風吹水波成文曰瀾瀾連也波體
 轉流相及連也小波爲淪者釋文引韓詩云順流而
 風曰淪毛傳小風水成文轉如輪也釋名云水小波
 曰淪淪淪倫也水文相次有倫理也直波爲徑者毛傳
 直直波也釋名云水直波曰徑徑徑也言如道徑也
 說文云波水涌流也此引詩而釋之不盡
 引者省文註言徑徑○正義宋本作徑徑

江有沱河有澨汝有瀆註此故上水別出耳所作者重

見義詩疏引李巡云江河汝旁有肥美之地是李
 也劉昭續漢志註引地道記汝南郡汝陰縣有陶正
 鄉詩所謂汝墳墳爲地名是其證郭以爲重見不從
 李義

澗水厓註水邊地正義釋正云岸上澗又云涘為厓與此相證明也說文澗涘澗瀕四字俱

云水厓也所
以廣異名

水草交為湄註詩曰居河之湄正義秦風毛傳湄水隈也疏引李巡云水中有

草木交會曰湄水經註引健為舍人云水草木交會也釋名云水草交曰湄湄眉也臨水如眉臨目也水經川歸之處也註詩曰至之湄正義小雅巧言文今本湄作稟古字通左氏倍二十八年傳云余賜女孟諸之稟太平寰宇記云虞城孟諸澤俗呼為湄臺

濟有深涉註謂濟渡之處深則厲淺則揭揭者揭衣也

註謂褰裳也以衣涉水為厲註衣謂禕絲膝以下為

揭絲膝以上為涉絲帶以上為厲註絲自也正義此引邶風

抱有苦葉之詩而釋之也左傳疏引李巡云濟渡也水深則厲水淺則揭衣渡也不解衣而渡水曰厲孫炎云揭褰衣裳也以衣涉水濡禕也毛傳由膝以上為涉以衣涉水為厲謂由帶以上也揭褰衣也孔疏云傳不引爾雅由膝以下為揭者畧耳爾雅以深淺無限故引詩以由帶以上由膝以下釋之明過此不可厲也揭者褰衣止得由膝以下若以上則褰衣不得渡當須以衣涉為厲也見水不沒人可以衣渡故言由帶以上其實以由膝以上亦為厲因文有三等故言由膝以上為涉鄭註論語及服註左傳皆云由膝以上為厲者以揭衣褰衣止由膝以下明膝以上至由帶以上總名厲也案厲揭之義自來釋詩者無異說惟說文引詩作深則砥解云履石渡水也砥或作灑毛鄭詩考正引水經註河水篇云段園沙洲記吐谷渾於河上作橋謂之河厲此可證橋有厲之名詩之意以淺水可褰衣而過若水深則必依橋梁乃可過喻禮義之大方不可犯衛詩淇梁淇厲並稱厲固梁之屬也伸說文以匡爾雅其說孰矣然古字假

借義相貫通不得專主一解衛風言淇厲無妨橋有
厲名至於深則厲之文當從雅訓不可易也何則漢
世司馬相如劉向竝是小學名家相如上林賦云越
壑厲水大人賦云橫厲飛泉以正東劉向九歎云擢
舟杭以橫灑今又云橫汨羅以下瀾王逸云瀾渡也
由帶以上為瀾是相如劉向俱宗雅訓不以厲為履
石渡水也列子說符篇懸水三十仞圍流九十里有
一丈夫方將厲之是厲為以衣涉水也釋文引漢詩
云至心曰厲謂之至心卽所云由帶以上是不獨毛
傳本爾雅韓詩亦與爾雅同義也許氏撰五經異義
主於各推所長合其要歸故說文引經文闕存異義
要皆折衷於爾雅其解涉字之能行厲水也是許氏
未嘗不以厲為以衣涉水矣詩之意以涉水尚當度
其淺深矧居室可踰越於禮記中又論見意不必因
履石渡水之解而傳合於於也郭氏以禪為衣
釋名云禪貫也貫兩脚上繫與中也郭氏以禪為衣
義本孫淡○孫白
也○**正義**釋文

潛行爲泳

水底行也晏子春秋曰潛行逆流百步順

流七里

正義釋言云泳游也此復申釋其義也周南

行水中也潛涉水也一曰藏也列子黃帝篇商正開

復從而泳之張湛註水底潛行曰泳○**正義**子至七里

秋作順流九里註引作七里蓋所見本異也詩疏引

郭註亦

汎汎楊舟

紼綱維之紼粹也○**正義**索綱綏也○**正義**紼繫

此引小雅采菽之文而釋之也毛傳紼粹也綱綏也

是据爾雅爲義粹與紼同綱與綱同說文云紼亂系

也紼紼屬詩疏引孫炎云粹大索也李巡云粹竹爲

索所以維持舟者又引孫炎云舟止繫之於樹木戾

竹爲大索是紼粹本絲素之屬戾竹爲大索亦爲紼

也詩釋文引韓詩云纒紼也釋名云引舟者曰紼作

作也作起也起舟使動行也筵與綏義同可以起舟
使動行亦可繫舟而維持之矣劉向九歎云滄陽舟
於會稽兮揚木之舟輕而易浮必竹筵維繫以制其
行孔疏云縛訓為緯緯是大繩縹訓為綏綏又為繫
正謂舟之止息以
縹繫而維持之

天子造舟註比舩為橋諸侯維舟註維連四舩大夫方

舟註併兩舩士特舟註單舩庶人乘泚註併木以渡

正義說文云舟船也古者共鼓貨狄瓠木為舟刻木
為楫以濟不通釋名云舟言周流也自天子至於庶
人舟各有制鄭箋云天子造舟周制也殷時未有等
制疏引王基云自殷以前質畧未有造維方特之差
周公制禮因文王敬太姒重初昏行造舟遂即制之
以為天子禮著尊卑之差以為後世法○天子造舟
謂之大雅大明云造舟為梁毛傳用爾雅方言云舩舟
謂之浮梁郭氏彼註云即今浮橋公羊疏引舊說云

以舟為橋詣其上而行過故曰造舟言以舟為梁故
謂之造造成也詩疏云造舟者比舩於水加板其上
即今之浮橋故杜預云造舟為梁則河橋之謂也周
制唯天子得用造舟左傳載秦公子鍼造舟於河周
禮之末失也○諸侯維舟○詩疏引李巡云中央前
後相維持曰維舟公羊疏引爾雅音義云維持使不
動搖也○大夫方舟○釋言云舩舟也此又釋其制
也方言云方舟謂之潢郭氏彼註云揚州人呼渡津
舩為潢荆州人呼杭音橫管子小匡篇遂至於西河
方舟設附○士特舟○淮南汜論訓審木方版以為
舩舩高註審空也方並也空其中連共版後世所謂
扁舟也○庶人乘泚○釋言云舩舩也此又釋其制
也詳見上文註比舩至以渡○正義造舟者孫炎云
比舩為梁維舟者孫炎云維連四舩方舟者李巡云
併兩舩曰方舟特舟者李巡云一舟曰特舟泚者李
巡云編木以渡別尊卑也俱見公羊疏是郭註所本
也詩疏又引李巡云比其舩而渡曰造舟釋文
引郭圖云天子並七船諸侯四大夫二士一

水注川曰谿注谿曰谷注谷曰溝注溝曰澮注澮曰瀆

註此皆道水轉相灌注所入之處名正義此辨水所

水之大者為川瀆各為小水所灌注也正義水注至曰

谷左傳疏引李巡云水出於山入於川曰谿公羊

疏引李巡云水相屬曰谷谿澗出於山故孟子云固

國不以山谿之險谿水能自建於大川故曰注川管

子度地篇山之溝一有水一毋水者命曰谷水是谷

水又小於谿故公羊傳云無障谷欲其能注谿也

注谷至曰瀆山谷水有不盡注於谿者則注於溝

自溝注於澮自澮注於瀆釋名云水注谷曰溝澮澮

之水亦曰溝澮澮也從橫相交搆也注溝曰澮澮會

也小溝之所聚會也太平御覽引舊註云水流不絕

曰瀆考工記匠人云廣四尺深四尺謂之溝廣二尋

深二叙謂之澮澮水注於瀆與州相貫通也此皆

至處名正義詩疏引舊註云皆以小注大大小異

名郭氏上林賦註云自谿及瀆皆水相通注也言其

水相貫
通也

逆流而上曰汭汭順流而下曰汭游皆見詩文云逆

流而上曰游游汭游向也水欲下違之而上也汭或作

遊又云子浮行水上也文選註引三倉云汭水轉也

詩疏引孫炎云逆渡者逆流也順渡者順流也左氏

文十年傳云沿漢汭江杜註汭逆流也莊十八年傳

云閭敖游涌而逸杜註游涌水而走詩疏云逆順流

皆謂渡水有順逆也正義皆見詩正義秦風蒹葭云

遊從之毛傳順流而涉曰遊遊

正絕流曰亂亂直橫流也書曰亂于河正義大雅公劉

引孫炎云直橫渡也孔穎達云水以流為順橫度則

絕其流故為亂亂直橫至于河正義直者正也郭

所引書禹貢

梁州之文

江河淮濟為四瀆四瀆者發源注海者也

正義史記引古文湯誥云

古禹臯陶久勞於外東為江北為濟西為河南為淮
四瀆已修萬民乃有居是禹奠大川四瀆已有定名
觀禮云禮月與四瀆手北門外王制云四瀆視諸侯
大宗伯言祀五岳不言四瀆鄭註以為省文是也白
虎通義云瀆者濁也中國垢濁發源東注海其功著
大故稱瀆也風俗通義云尚書大傳禮三正記江河
淮濟為四瀆瀆者通也所以通中國垢濁民陵陷
五穀也江者貢也珍物可貢獻也濟者通也齊其度
龍圖也淮者均也均其務也濟者通也齊其度也
釋名云江公也小水流入其地也隨地而下通流也
繞揚州北界東至海也河下也隨地而下通流也
濟濟也源出河北濟河而南也海海也主承垢濁其
水黑如晦也廣雅云河何也餘所釋名義與風俗通
義同四瀆發源注海者禹貢云導河積石岷山導江
導沅水東流為濟導淮自桐柏此言其施功所經也
河出崑崙虛詳見下文漢書地理志蜀郡前氏道馬

貢嶧山在西微外江水所出東西至江都入海南陽
郡平氏縣禹貢桐柏大復山在東南淮水所出東南
至淮陵入海河東郡垣縣禹貢王屋山在東北沅水
所出東南至武德入河軼出滎陽北地中又東至琅
槐入海江河淮濟力能挾眾小水以獨注於海故稱
瀆焉管子度地篇水之出於山而流入於海者命曰
經水水別於他水入於大水及海者命曰枝水是四
瀆皆經水也諸小水之入於瀆者皆枝水也經枝既
辨廣有所滙瀆旁有所疏洩順其潤下之性由地中
行故民得居安土自周未水官失職則國多設隄防
控高扼下中塞旁溢水失其性妄行傷人常至危殆
遷移潰決史不絕書枝水時見時竭經水亦失其故
瀆矣今江源出四川松潘衛邊徼外西番地之岷山
至江南通州入海淮源出河南南陽府桐柏縣西南
桐柏山至江西南清河縣與河合流至安東縣入海濟
源出河南懷慶府濟源縣之王屋山至武陟縣入於
河說文源作原云水泉本也徐鉉云今別作源非是

水泉

泉混混不事也易云山下出泉孟子云原
 五尺而至於泉呼聲中角其水蒼四七三十
 八尺而至於泉呼音中商其水白而甘三十
 二七十一尺而至於泉呼音中宮其泉黃而糗
 尺而至於泉呼音中徵其水黑而若是泉出
 之殊也水地篇云水者何也萬物之本原也
 水之本原在乎泉故總題水泉初學記引郭
 氏讚云川瀆綺錯渙瀾流帶潛潤旁通經營
 華外殊出同
 歸混之東會

水中可居者曰洲

說文云水中可居曰州周禮其
 土故曰九州詩曰在河之州徐鉉曰今別作洲非是
 釋名云水中可居者曰洲洲聚也人及鳥獸所聚息
 之處也詩疏引李巡云四方皆有水中央獨可居衆
 經音義引孫炎云水有平地可居者也釋文引郭圖

云水中自然可居為洲方言云水中可居為洲三輔
 謂之淤蜀漢謂之漿郭氏彼註云上林賦曰行乎洲
 淤之浦也又上林賦註

云淤亦州名蜀人云

小洲曰渚

渚釋文引韓詩云一溢一否曰渚釋名云小
 洲曰渚渚遮也體高能遮水使從旁迴也高誘淮南
 註云水中可居者曰渚是渚又為水中可居之通名
 故禮運云不使渚者居中

小階曰沚

沚釋文云階字又作渚
 詩宛在水中央薛君章句大

小沚曰坻

秦風蒹葭云宛在水中央鄭箋坻水中
 水使流
 遲也

人所為為滴

註

人力所作

正義

太平御覽引舍人云人

人亦於水中作洲而小不可止住者名滴水中地也
釋名云人力所為之曰滴滴術也堰使水鬱術也魚
梁水確之謂也案左氏襄二十四年傳云規偃豬偃俗體作堰

水中

正義

也兼葭傳谷風箋竝云小渚曰泚泚依爾
雅為說也采繁傳曰泚渚鳥鷺傳曰渚泚互
言以曉人也兼葭傳云泚小渚也泚泚互
泚渚大小異名耳泚亦小於渚故舉渚以言
之是則洲渚泚泚皆水中高地雖大小異名
可以互用故說文云
泚小渚也或作渚

河出崑崙虛色白

註

山海經曰河出崑崙西北隅處山

下基也發源處高潔峻湊故水色白也

正義

釋云

正崑崙山以三重得名爾雅言河水所出不曰崑崙
之山而曰崑崙之虛言其地也即禹貢雍州所謂崑
崙矣釋文引李巡云河水始出其色白也孫炎云崑
崙山名也墟者山下之地白者西方之色也離騷云
朝吾將濟于白水兮登閭風而縹馬白水謂河源之
色自也河源所出之山唐人謂之紫山新唐書吐蕃
傳劉元鼎使吐蕃還記其經見曰由洪濟梁西南行
二千里水益狹春可涉秋夏乃勝舟其南三百里三
山中高而四下曰紫山直大羊同國古所謂崑崙者
也東距長安五百里廣五千里其間流澄緩東北直莫賀
延磧尾殆五百里隱測其地蓋劍南之西今西寧府
界西南千四百餘里有大山厥色紫黑是產金銀唐
人所謂紫山稱斯名矣自紫山以西又南迤西連諸
山綿亘二千里其即古崑崙之虛與**註**山海至白也
正義釋文引郭氏音義云禹本紀及山海經皆云
河出崑崙山漢書曰張騫使西域窮河源其山多玉
石而不見崑崙也世人皆以此疑河不出崑崙紫山

海經曰東望泐澤河水之所潛也其源渾渾泡泡又
云敦夢之水注于泐澤出於崕嶺之西北隅實惟河
源也西域傳又云河有兩源一出葱嶺之北一出于闐
于闐在南山下其河北流與葱嶺之河合東注鹽澤
鹽澤一名蒲昌海去玉門陽關三百餘里輪廣三四
百里其水亭居冬夏不增減皆以爲潛行地下而南
出於積石山而爲中國河云然則河出崕嶺便潛行
地下至葱嶺及于闐復分流岐出也張騫所見蓋謂
此矣其夫崕嶺里數遠近所未得而詳也泐澤卽鹽
澤也案今本山海經作出於崕嶺之東北隅水經註
引山海經與今本同郭氏引作西北隅疑傳寫之訛
蒲昌海去玉門陽關三百餘里水經註作千三百里
漢書脫千字郭氏音義亦仍其脫文也河源自紫山
延縣而西北抵蔥嶺山海經所云西海之南流沙之
瀕赤水之後黑水之前有大山名崕嶺之北蓋不謬
矣紫山直今河州積石關外千四百餘里行程二千
七百餘里監本脫發源高處激湊故水色白與釋文所
書疏引郭註云發源高處激湊故水色白與釋文所

引字句微異釋文又引郭氏圖讚云崕嶺
崕嶺三層號曰天柱實惟河源水之靈府

所渠并千七百一川色黃潛流地中汨漱沙壤所受

渠多衆水潤滑宜其濁黃
錯相穿故曰川也廣韻引蔡邕月令章句云衆流注
海曰川水經註引揚泉物理論云河色黃者衆川之
流蓋濁之也史記大宛傳張騫使西域還爲天子言
于寘之西水皆西流注西海其東則東流注鹽澤
謂星宿海也河源自出紫山東南流屢折而東至星
宿海約三百里星宿海遠以衆山平地有泉千百
並涌望若列星山海經所謂渾渾泡泡也自星宿海
東南流滙爲二巨澤又轉而東北五十餘里又折而
東南百餘里至大嶺下又南百五十里地皆沙磧細
泉鉅澤分合不常衆流汨漱水漸變綠而黃又東南
流屈曲七百餘里遶大雪山之南大雪山卽禹貢之

所渠并千七百一川色黃

三

積石矣又東北入河州歸德堡邊始名黃河又東北
逕小積石山南唐朱以來所名之積石也水經註謂
之唐述山塞外水無定名其流入於河者不可枚舉
自入中國則渭洛汾漳諸大水各合小水以達於河
川渠交併混混同流故水經註引考異郵云河者水
之氣四瀆之精也註潛流至濁黃註書疏引郭
句微異今鹽澤南磧地數百里往往有小水上出成
澤是潛行地中之證也釋
文引字林云汨水聲急也

百里一小曲千里一曲一直註公羊傳曰河曲流河千

里一曲一直註正義釋文引李巡云水勢小曲乃大直
極也故曰千里一曲一直河源自紫山至歸德堡邊
凡三大折流二千三百餘里又東流四百里逕小積
石山又事北流千四百里至寧夏府出塞又自東而
南八百餘里至平魯縣入塞又南流二千五百餘里

至於華陰折而東流出三門過底柱又東南逕孟津
自孟津以下水道移徙非復禹蹟之舊矣河隨地為
曲折千里百里約言之也註公羊至一直註正義文
十二年傳云河曲疏矣河千里而一曲也何休註云
河曲流郭氏兼采傳註以謙河流
千里一曲也一直二字疑衍文

河曲註正義題上事也水經註引春秋說題辭云

經援神契云河者水之伯上應天漢新論云
四瀆之源河最高而長從高注下水流激峻
故其流急禹貢言導河始於積石淮南地形
訓遂云河出積石是以施功所積石為河源矣
言河源者山海經多傳聞異詞惟爾雅為最
古太史公引禹本紀言河出崑崙是爾雅所
本也後世窮河源者屢易其名然譯音多與
崑崙相近則知爾雅之義不可易矣塞外沙
磧水流無定形水名無定稱故渠并之水其
數終不可得而詳河勢善曲凡沿河而行俱

謂之河曲

徒駭

註今在成平縣義所未聞

正義書疏引李巡云徒駭者禹疏九河以徒駭

起故曰徒駭孫炎云徒駭禹疏九河用功雖廣衆懼不成故曰徒駭註今在至未聞。○**正義**晉書地理志博陵國安平縣郭氏言徒駭所在據漢書許商之言也今河間府交河縣東有漢成平故城書疏云禹陳九河云復其故道則名應先有不宣徒駭太史因禹立名此郭氏所以未詳也或九河雖舊有名至禹治水更別立名即爾雅所云是也

太史

註今所在未詳

正義書疏引李巡云太史禹大使徒駭通其水道故曰太史詩疏引

孫炎云太史者大使徒駭故依名云釋文引或云太史者史官記事之處導河書云太史在德州安德縣東南經滄州臨津縣西未之詳也

馬頰

註河勢上廣下狹狀如馬頰

正義通典云馬頰在平原郡界元和郡縣

志云德州安德縣馬頰河在縣南五十里平昌縣馬頰河在縣南十里註河勢至馬頰。○**正義**釋文引李巡孫炎云河勢上高下狹狀如馬頰也是郭註所本也

覆釜

註水中可居住往而有狀如覆釜

正義通典云覆釜在平原郡界

導河書云覆釜在承靜軍阜城縣東經東光縣西北水中至覆釜。○**正義**詩疏引李巡云覆釜者水多渚其渚往往而處狀如覆釜釋文引孫炎云水中多渚往往而可居之處狀如覆釜之形郭氏音云註古釜字監本郭註作水中可居而有狀如覆釜今從宋本禹貢指南引郭註與宋本同

胡蘇

註東光縣今有胡蘇亭其義未詳

正義詩疏引李

水下流故曰胡蘇胡下也蘇流也孫炎云胡蘇者水流多散胡蘇然顏師古漢書註云胡蘇下流急疾之

貌也。東光至蘇亭。正義郭氏据許商之言以亭名為證也。漢書地理志渤海郡東光縣有胡蘇亭。晉仍漢制。今河間府東光縣有漢東光故城。監本光作茫。書疏引郭註作光。宋本亦作光。本或作茫。誤。簡註水道簡易。正義書疏引李巡云簡大也。河水深而大也。詩疏引孫炎云簡者水通易也。史記正義云簡在貝州歷亭縣界。

絜註水多約絜。正義書疏引李巡云絜言河水多山石約絜。輿地廣記云簡絜在臨津。金史地理志南皮縣有絜河。

鉤般註水曲如鉤流般桓也。正義書疏引李巡云鉤般也。釋文云李本作般。云水曲如鉤折如人股。故曰鉤般。陸氏所見李巡本與書疏異。詩疏引孫炎云水曲如鉤般。桓不前也。釋文引郭氏音義云般般今皆為縣屬平原郡。案漢書地理志平原郡般縣顏師古註。

引爾雅郭註為證。通典云鉤盤在景城郡元和郡縣志棣州陽信縣鉤盤河經縣北四十里。太平寰宇記滄州樂陵縣鉤盤河在縣東南五十里。

鬲津註水多阨狹可隔以為津而橫渡。正義漢書地理志平原郡鬲縣。

平當以為鬲津。詩疏云徒駭是九河之最北者。鬲津是九河之最南者。爾雅之文從北而說也。太史馬頰鉤盤文在胡蘇之上。則三者成平之南。東光之北也。簡絜覆盆文在胡蘇之下。則三者成平之南。鬲縣之北也。按九河次第詩疏以鉤盤列第四。覆盆列第八。陸氏釋文以覆盆列第四。鉤盤列第八。所見本異也。鬲縣故城在今德州北。水多至橫渡。詩疏引李巡云鬲津者河水狹小可隔曰津。故曰鬲津。孫炎云鬲津者水多阨狹可隔以為津而橫渡也。是郭註所本也。

九河註播為九河。同為逆河入於海。墨子兼愛篇。

禹為九澮淮南要畧云禹之時天下大水禹身執蕩垂以爲民先別河而道九岐高誘注別洩去也九岐河水播岐而爲九以入海也莊子釋文云河從乾位來乾陽敷九也漢書溝洫志許商以爲古說九河之名有徒駭胡蘇高津今見在成平東光鬲界中自鬲以北至徒駭間相去二百餘里今河雖數移徙不離此域後世言九河者唯許商之說爲可徵信故郭氏以爲據也釋文引郭氏音義云周時齊桓公塞九河并爲一自鬲津以北至徒駭二百餘里渤海東莞成平平原河間弓高以東往有里渤處焉郭氏音義本鄭康成書註爲說也書疏引春秋經實乾圖云移河爲界扛齊呂填過八流以自廣公羊疏引尚書中候云齊桓之霸過八流以自廣是鄭郭所本也八流既塞則河流併歸徒駭合九爲一旁無所洩中不能容至周定王五年河徙河患始此矣鄭云今河間弓高以東至平原

從釋地已下至九河皆禹所名也

正義此釋地以下四

禹平水土主名山川大戴記記五帝德云使禹敷土主名山川以利于民是禹奠山川因爲各命以名也尹文子云形以定名名以定事事以檢名魯語云黃帝能成命百物以明民共財顓頊能修之自黃帝顓

